





33962/B

DE ANEURYSMATICIS  
PRAECORDIORUM MORBIS

DISSERTATIO  
IN THESES DIVISA

Q U A S

Annuentibus Illm̃is DD Magnifico Reçtore,  
Decano, Professoribus, & Assistentibus  
Facultatis Medicae DD. de Collegio

AD CONSEQUENDAM  
PHILOSOPHIAE, ET MEDICINAE  
LAUREAM

I N

REGIO-CAESAREO ARCHIGYMNASIO  
TICINENSIS

CAYETANUS LOMBARDINI  
MEDIOLANENSIS

ALMI COLLEGII CASTILL. ALUMNUS

Publicae disceptationi subiecit  
*Facta cuilibet Medicinae Doct. contradicendi  
Facultate*

*Prid. Kal. Quintil. MDCCLXXVII.*

TICINI REGII

Apud Marcum Antonium Porro, & Joseph Bianchi  
*Cum Approbatione.*

*Regia Bibliotheca*





WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY

WELLCOME HISTORICAL MEDICAL LIBRARY



PETRO VERRO COMITI<sup>3</sup>

AMPLISSIMO CIVIT. MEDIOLAN.

LX. VIRO

AUGG. ET REG. HUNG. APOST.

A CONSILIIS SECRETIORIBUS,

AUREAE CLAVIS EQUIITI,

MAGISTRATUSQUE CAMERAL

PRO PRAESIDI. EC.

CAJETANUS LOMBARDINI



*Irum fortasse cui-  
piam videbitur,  
quod Tibi VIR EXCEL-  
LENTISSIME, levissi-*



<sup>4</sup>  
mum hoc opusculum ausim  
inscribere; Tibi, inquam,  
cui rebus summis, gravissi-  
misque distento (quas ita  
geris, ut ubique justitia,  
aequitas, & publicum bo-  
num emineat) vix licet o-  
culos vel propere conjicere  
in libellum, in quo ea per-  
tractantur, quae a tuo in-  
stituto, tuisque praeclaris  
studiis quam longissime ab-  
sunt. Sed continuo mira-  
ri desinet quicumque probe  
noverit, Te acri ingenii a-  
cie,



<sup>5</sup>  
cie, singularique in optimas  
quasque disciplinas amore  
adeo in his quoque profecisse,  
ut non effugerit tuam in-  
daginem ipsamet Medicinæ  
scientia, quemadmodum edi-  
ta a Te specimina, & magnis  
excepta laudibus ostende-  
runt. Hinc causam habes,  
cur hunc ingenioli mei, qua-  
liscumque sit, foetum Tibi  
sistam, certo sperans, Te non  
magis Iudicis partes, quam  
Patroni mecum obituum.  
Immo illud etiam fore confi-  
do,



6  
do, ut splendidissimo tuo nomine conspecto, Censores omnes deterreantur: quod beneficium tanto magis mihi erat necessarium, quo minus ingenio, doctrina, ac aetate valeo, utpote qui in hujusmodi studiis quatuor abhinc annis tantummodo versor. Te igitur enixe obtestor, ut auctoritate tua, tuoque favore nedum libellum tuearis, verum etiam me ipsum, qui adolescens adhuc aliquam studiorum meorum

signi-



7  
*significationem daturus egeo  
equidem eo patrocinio, quod  
ad majora, & Te magis di-  
gna me alliciat, incitet, per-  
ducat. Excipe igitur beni-  
gne, ac humaniter, ut soles,  
VIR EXCELLENTISSI-  
ME, hoc animi, & obsequii  
mei veluti argumentum,  
meque, quod unum peto, ex-  
optoque, in tuam tutelam  
recipere non dedigneris.*



Dissertationem de Aneurysmaticis praecordiorum  
morbis plane dignam, quae publicam lucem aspiciat:

E Regio Caesareo Archigymnasio V. Idus Quintil.  
MDCCLXXVII.

Martinus Natali C. R. Schol. Piar. S. T. D.,  
Catholicorum Dogmatum P. Professor,  
& Cenfor Librorum.

Dissertationem de Aneurys. praecordiorum morb.,  
& publicae comendationis, & editionis dignam censeo.

J. C. C. Marchio Joseph de Belcredo Antiq. Jur.  
R. Prof., & Lib. Cenfor.

MDCCLXXVII. die XIV. Julii

I M P R I M A T U R.

De FELBER Regius Duc. Mediolani Senator, &  
Papiae Praetor pro Magistratu rei Litterariae procurandae

J. C. Gandini Reg. Aet. Cancell.



# CAPUT I.

De Aneurysmatis etymologia, differentiis,  
ejusque divisionibus in genere.



D, quod LATINI arteriae dilatationem appellant; a GRAECIS aneurysma, ARABIBUS Hyporisma, vel Aporysma, vel Emborysma nominatur.

II. Aneurysmatis etymon non omnes una ratione explicant. HIERONYMUS MONTUUS (a) Aneurysma in enervationis vocabulum transtulit a particula *a* privativa, & *νεῦρον*: idest a nervo. SYLVATICUS autem (b) deducit a verbo *εὐρέω*, scilicet dilato; demum MARCUS AURELIUS SEVERINUS (c) dici aneurysma arbitratur a dictione *εὐφλέω*, quae apud Latinos idem sonat, ac *effluere*, & *exilire*; nos vero Sylvatici etymologiam sequimur.

III. Nec solum inter se dissentiunt Auctores circa istius nominis originem; verum etiam de ipsius morbi definitione haud conveniunt. GALENUS (d), enim inquit, *aneurysma*, idest dilatatio est relaxatio venosi vasculi, aut dispersio spiritualis materiae sub carne per dissultationem se se diffundentis, distribuentisque; & alio loco (e) ore autem in

B

ar-

- 
- (a) Vid. Lancis. de aneurysm. in gener. Lib. 1. prop. 1.  
(b) In dissert. cui titulus est. De aneurysmate tractatio.  
(c) De novis. obs. abscess. cap. 7. pag. 170.  
(d) In Lib. Isagogic. definit. Medicae.  
(e) Class. 3. cap. 11. lib. de tumoribus praet. natur.



*arteria facto affectio aneurysma vocatur; fit autem vulnerata ea, cum ad cicatricem devenerit quae ei adjacet cutis: manet vero arteriae ulcus ea neque conglutinata, neque ad cicatricem perducta, neque a carne obstructa.*

IV. GALENUS itaque sub uno aneurysmatis nomine tam arteriarum, quam venarum dilatationes, disrptionesque comprehendit; simulque unam ex variis causis assignat, arteriae scilicet vulnus, quod in causa est aneurysmatis; clariusque ibi se explicat, ubi (a) incisam arteriam aneurysmate facillime corripit ait, quod ab ORIBASIO (b) etiam comprobatur. AETIUS (c) tumorem a Graecis *aneurysma* dictum, tunc fieri docuit, quando cuti cicatrice obducta, neque tamen arteriae vulnere obturato, Sanguis infra cutim effunditur: & alio loco (d) vasorum dilatationem aneurysma esse dixit. ACTUARIUS ZACCHARIAE Filius (e) Graecos aneurysma arteriae dilatationem definivisse asseruit. AVICENNA (f) ex disrupta arteria absque cutis ruptione *apostema* (g) non leve ex sanguine, & ventositate *Emborysma* dictum, fieri nos docuit. HALY ABBAS (h) inter Medicos Arabes primum tenens locum, *aporysma* arteriae hiatum ex necessitate continere apertissime testatus est; quod ab ALBUCASI etiam confirmatur (i).

V. Ex haecenus dictis colligimus, aneurysma apud Graecos vasorum dilatationem, vel disrptionem esse, ita tamen, ut tumorem pariat; tum sub vasorum nomine non tantum arterias, verum etiam venas ab ipsis Graecis compre-

pre-

---

(a) Lib. de curand. rat. per sang. miss. 22. & 23.

(b) Lib. 7. Collect. Medicinal. cap. 13., & 14.

(c) Tetrab. 4. Sermon. 2. cap. 51. ad initium.

(d) Serm. 3. cap. 10.

(e) Lib. 3. su. meth. med. cap. 2.

(f) Lib. 1. Fen. 4. tract. 2. cap. 16.

(g) Sive abscessus sub hoc nomine Hippocrates intelligit humorum collectiones non suppurantes, ut varices; vid. Castelli Lexi. voc. abscessus.

(h) Lib. 8. suae theoriae cap. 17.

(i) Lib. 2. suae Chirurgiae cap. 41.



prehendi, qua potissimum de causa, ecchymosim, & aneurysma sub eodem genere reposuit Albucasis (a).

VI. Hinc illorum sententiam rejicimus, qui a sola arteriae sectione aneurysma oriri juxta allatam GALENI (b), aneurysmatis descriptionem, & originis causam asserunt, quam ipse confirmat *in lib. de curand. rat. per sang. miss.* (c); & alibi (d), idem sentientibus ORIBASIO, & AVICENNA.

VII. Nam si attente commemoratum perpenderent GALENI textum, ubi inquit *incisam arteriam aneurysmate facillime corripit*, conjicere sane jure potuissent non una tantum ratione, nempe ex vulnerata arteria, sed alia, nimirum ex venosi vasis distensione, ut apertissime constat ex ipsius GALENI verbis ( n. III. ) citatis.

VIII. Concedimus quidem ex omni continui in arteria solutione, sive per *diabrosim*, *dieresim*, *diapedesim*, *anastomosim*, vel per *rhexim* aneurysma gigni, ut aliqui ALBUCASIS, & AETII auctoritate innixi opinantur; dummodo ad cujusvis aneurysmatis speciem efficiendam arteriae diruptionem requiri non velint, & aliquando solam dilatationem sufficere admittant.

IX. Nam non desiderantur qui aneurysmatis verbum stricte interpretando, tantum ab arteriae dilatatione, nulla cum evidenti continui solutione aneurysma excitari ideo potissimum arbitrati sunt, quia ACTUARIUS Graecos arteriae dilatationem aneurysma dixisse testatur.

X. Quare non est, cur descriptos tumores a quacunque causa ortos, uno aneurysmatis titulo non complectamur; quoniam tali pacto tot confusiones evitantur, quae Posteris Veterum monumenta pervolventibus occurrent: siquidem antiqui Medicinae Patres indiscriminatim ad hosce tumores describendos hujusmodi vocabulo utuntur.

(a) Lib. cit.

(b) Lib. de tumor. praet. natur. cap. 11. (c) Cap 22.

(d) Lib. 3. Metod. meden. ad init. cap. 4.



**XI.** Quapropter hoc aneurysmatis nomen, ut genericum retinemus, ex quo tot species deducimus, quot uno, vel alio modo aneurysmata nata sunt.

**XII.** FERNELIUS censetur primus, qui a Veterum sententia circa aneurysmatis naturam recessit. Vir enim iste Clariss. cum aneurysmatis etymon, nec non ea expendere, quae variis in cadaveribus detexit, varias nimirum, tum aortae, tum aliarum arteriarum distensiones absque ulla disruptione, sibi suasit aneurysma, arteriae dilatationem tantum esse, minime vero divisionem.

**XIII.** Ad Clariss. FERNELII opinionem stabiliendam accessit observatio Celeb. VESALII referentis se anno MDLVII Nobil. Leonardum Vellierum invisisse, qui ex effraenati equi saltu, & concussione corripiebatur vehementi dorsi dolore, postea tumor aliquis spinam circum pulsans deprehendebatur, quo in casu statim pronunciavit aneurysma esse arteriae aortae, atque veritas hujus diagnosis ex ipsius cadaveris sectione patuit (a).

**XIV.** Contra autem SENNERTUS in interioris arteriae tunicae abruptione (Veteres ex duabus tunicis arterias constare putabant) aneurysmatum naturam reposuit, quod jam ipse monuerat HILDANUS; nequidquam obstantibus FORESTO, & DIEMERBROECHIO, qui FERNELIUM secuti erant (b).

**XV.** FREINDIUS vero (c) Veterum eorum opinionem, qui ex ruptione tantum arteriae aneurysma proficisci docuerunt, instaurare, novisque rationum momentis confirmare conatus fuit, ex male intellectis, ut nos monet Clariss. JAMES, (d) PAULI AEGINETAE verbis. Non enim Paulus in ea videtur fuisse sententia, ut crederet ex sola abruptione aneurysma oriri; quoniam evidenter distinguit aneurys-

---

(a) Vid. Bonet sepul. anat. lib. 4. sect. 2.

(b) Vid. Freindii histor. medic.

(c) Lib. sup. cit.

(d) Dictionar. medic. vid. aneurysma.



ryfma verum a spurio, a diruptione scilicet, vel a simplici dilatatione profectum. Inquit enim ὃ μὴ κατ' ἀνευρύσματος ὁ ἕλκος ἐγένετο. Quod CORNARUS ita traducit. *Si ex apertione tumor factus est.* Tandem idem JAMES hisce verbis latine redditus concludit. Mihi videtur alio in loco PAULUS AEGINETA binas statuere aneurysmatum species, unam scilicet per ἀναστόμωσιν ἀντερίας. Aliam κατὰ πείξιν. Verum sicuti hic anastomosis verbum in illa significatione accipi neutiquam potest, quam communiter Graeci Auctores ei tribuunt, & sicuti PAULUS anastomosin postea per ἀνευρύσματος interpretari videtur, ubi scilicet de illius operatione verba facit, hinc hoc in casu anastomosin aneurysmatis synonymum esse crederem.

XVI. Nec abs re ducimus praecipua FREINDII argumenta ad trutinam vocare, atque Lectores hac super re Judices constituere. Hic igitur doctiss. Vir. (a) circa SENNERTI, & HILDANI opinionem ait: *neque concipio, qua ratione hujusmodi aneurysma formari possit, nisi cum a punctura oriatur, quae tamen interdum etiam ambas tunicas perforat. Nam ubi causa interna est, improbable prorsus videtur, ut ea vis, quae percurrere interiori tunicae suffecerit, resistantiam ullam ab exteriori inveniat, quam altera quinque vicibus ad minimum esse debiliorem omnes fatentur.* Suam autem probare nititur propositionem Auctoritate Clariss. SOPORTAE, qui FERNELII tempore florens tres casus omnibus cum ruptionis indiciis refert, nec non BARTHOLINI, HORNII, LANCISII, aliorumque, qui varias arteriarum abruptarum observationes nobis tradidere.

XVII. Ultimo loco in medium profert tres Clariss. LITTRII historias in ACTIS ACADEMIAE PARISIENSIS recensitas, in quibus simplicem tantum arteriae dilatationem se invenisse scribit. Verum harum observationum vim quasi effugere cupiens, ita infert. *Quamquam vero eorum minuta, & accurata sit descriptio, inhaeret mihi scrupulus, neque*  
per

---

(a) Pag. 52. ejusdem lib.



persuaderi possum nihil hic fuisse, nisi arteriae tunicarum dilatationem.... Neque vero contra illud hoc absurde dixerim humores extravasatos membranam sibi propriam effingere, quae minime pars sit vasorum, unde humores isti profluxerint (a).

XVIII. Hanc autem suam opinionem confirmare studet Sapientiss. RUISCHII observatione ex aneurysmate in thorace contento deprompta, quod absque externo tumore totum ejus cavum occupaverat, & innumeris, crassisque tunicis constabat laminarum instar sibi invicem incumbentibus, inter quas multum coagulati sanguinis includebatur.

XIX. Hujusmodi exempla non deesse apud SEVERINUM, MARCHETTUM, aliosque scribit ipse FREINDIUS, & coronodis loco auctoritatem refert Doctiss. WISEMANNI, qui semper se utramque arteriae tunicam apertam invenisse narrat, unde idem FREINDIUS concludit: *Quoniam id argumentum omnium validissimum est, quod ex factis ipsis profertur, illud amplius subjicere debeo, quod inter omnes dissecti Aneurysmatis traditas ab Anatomicis narrationes, vix unum, quod quidem amplum fuerit, inveniat, in quo non esset juxta Pauli doctrinam in arteria ruptio. Ea quae a me dicta sunt, satis credo, ostendunt quantum a veritate abhorret ista a recentioribus quibusdam aneurysmatum in vera, & spuria facta distinctio. Nam differentia omnis ista in tumoris figura consistit, ac si quis istorum in hoc argumento disputationes examinet, distinctionem hanc uti plerumque in theoria falsam, ita quoque in praxi nullius esse momenti comperiet.*

XX Hoc pacto veterum, quos (n. xv.) memoravimus, opinione confirmata, gradum facit ad difficultates solvendas, quae ab Auctoribus quibusdam ad arteriae dilatationem tuendam relatae fuerunt, ex quibus has duas, ut ipse credit, praecipuas desumpsit. Quomodo scilicet si sanguis a canalium membranis non cœrceatur, pulsatio ob-

---

(a) In eod. lib.



15

observetur? Et si sanguis extra vasa effusus sit, quare juxta HIPPOCRATEM (a) in pus non vertatur?

XXI. Quibus difficultatibus levi negotio sequenti modo satisfacere autumat. Inquit enim: *Quod ad pulsationem pertinet, certe non difficulter comprehendi potest, sanguinis jugem in arteriis impulsam huic quoque necessario motum communicare, qui contiguus ei, quamquam extravasatus, jacet. Hoc autem variis cum rationibus defendere magis, atque magis laborat. Porro haec etiam ad secundae objectionis solutionem accommodari posse ait: Nam si tumori motum communicari concipiamus, facile comprehendemus etiam, qua ratione idem motus sanguinis putrefactionem arceat, perinde ac si in arteriae tunicis contineretur, distensione tantum ampliat* (b).

XXII. Haec autem argumenta FREINDIUM a SYLVATICO ipso mutuatum esse asserimus. Nam in sua de aneurysmatis tractatione, ubi ad easdem has petitiones respondet, postquam opinionem illorum confutasset, qui, ut hoc phaenomenon explicarent ad *arterialis sanguinis*, ut ajunt, *majorem caliditatem, subtilitatem, spirituositatemque* confugere (quod falsum esse vel leviter consideranti patet: sanguis enim arteriosus in humano corpore parum, vel nil a venoso differt, quod GALENUS (c) aliquo modo jam admonuerat) difficultatem ita solvit. *Illud sanguini huic evenit, quod lacustri aquae in ipsius lacus alveo imputri permanenti, quamquam non fluat, sed persistat. Id propterea fieri Philosophorum multi dixerunt, quia quae assidue ab ipso lacu educitur aqua, vel a terrae rimis, & a sole assidue ebibitur, ea a flumine, fonte, marive lacum producente assidue, & multo cum foenore resarcitur, & ad illum transmittitur, ut hinc motum quemdam aquae secretionem, corruptionemque impredientem colligere licet, secus ac paludibus eveniat, in quibus cum nihil assidue fluat, & saepe*  
non

---

(a) Aphor. 20. sect. 6.

(b) Supra cit. lib. (c) Lib. de inequalit. intemper. cap. 4.



non refluat, putrescunt majori ex parte aquae. Pari itaque, aut certe non multum dissimili ratione imputris in aneurysmate diu permanet sanguis, quia ob naturalem arteriae pulsationem a causa praeternaturali sine dubio auctam, & ob spirituosam sanguinis arterialis conditionem, arteriae foramine illius ingressum, & egressum minime recusante, fluit sedulo, ac refluit in hoc tumore sanguis. Adde, & eum, qui tumore afficitur, vana quadam evanescentis per compressionem tumoris delectatione allicitum, saepius illum comprimere, inque effluxum sanguinem, cum non effluxo misceri, & qui semel exiliit, alias intus permanere (a). Quod ultimo addit, locum tantum habet in aneurysmatibus, quae aegrotans comprimere potest in externis scilicet, de quibus agit ipse SYLVATICUS.

XXIII. Ut vero primae (n. xvi.) FREINDII difficultati respondeamus, animadvertendum est experientiae, rationique valde consentaneum esse, laxata quomodocumque, aut excisa, aut diffracta interiore arteriarum compage, eas in tumorem attolli, atque in saccum aneurysmaticum erumpere. Nam si acri erodente salino principio interior vasis tunica corroditur, eadem debilitetur, necesse est: quare a sanguine pristina vi impellente sensim dilatabitur.

XXIV. Nec juvat reponere, si semel vas distendi inceperit, magis magisque semper ampliari debere; nam si eadem causa agat, eundem semper edet effectum: scilicet sanguinis circuitu perseverante, continuo vas ipsum extendi debebit.

XXV. Ratio hujusce phaenomeni in promptu est. Quamprimum enim vas aliquo in loco dilatatum fuerit, ibi minori impetu sanguis fluit, uti constat ex hydraulicis observationibus, & nos monent Clarissimi HALLERUS (b) & SPALLANZANI (c): Isti enim in animalium, potissimum

---

(a) Cit. disert. pag. 25.

(b) Deux memoires sur le mouvement du sang.

(c) De Fenomeni della circolazione del sangue.



17

mum frigidi sanguinis, aneurysmatibus observarunt sanguinis velocitatem minorem esse, atque hanc rursus adipisci, quando per vas naturalis diametri movebatur. Insuper vas jam dilatatum majori vi resistit propriae dilatationi, quod ex physicis experimentis compertum est.

XXVI. Ex his ergo patet, vas semel dilatatum magis magisque semper ampliari non debere. At si arteria discissa fuerit, nonne idem observabitur effectus? Quare hoc FREINDII argumentum HILDANI, & SENNERTI opinionem nequaquam infirmat.

XXVII. Nec pluris existimanda SOPORTAE, BARTHO-  
LINI, HORNII, aliorumve auctoritas, qui varia vidisse aneurysmata non ab arteria dilatata, sed ab eadem divisa, aut disrupta exorta asserunt. Largimur enim, & nos ipsi aneurysmata cum continui solutione detecta fuisse, quae *spuria* (n. IL.) vocabimus: Verum VALSALVAE, MORGAGNI, ut infinitos alios omittamus, observationibus suffulti, existentiam aneurysmatum a simplici vasorum dilatatione pendentium defendimus.

XXVIII. VALSALVA enim in quodam Cistario arteriam *magnam induratum* vidit, intusque ossis squamis praeditam, & *ita dilatatum*, ut aneurysma trium digitorum longitudinem aequaret, in quo tamen manifestum rupturae indicium non apparuit (a); quin immo in paupere quodam sexagenario cor tantae magnitudinis observavit, ut bubulum adaequaret; sinister enim ejus ventriculus cum connexa aorta ita erat dilatatus, ut cor humanum naturalis molis continere facile posset, cujus ventriculi parietes tenues admodum erant, ut *vix motum cordis* sustinere potuisse viderentur: aortae vero interna membrana in substantiam cartilagineam degeneraverat. Jam vero hac in observatione idem Auctor nullam mentionem facit tum de cordis, tum de aortae rptione, nec de aliquibus signis, ex quibus hanc extitisse, conjicere possimus: & aliam nec dissimilem historiam habet de quodam viro

C

quin-

---

(a) Vid. Morgagn. epist. XVII. art. 17.



quinquagenario, in cujus cadavere; *Cor mole auctum....*  
*& magna arteria prope cor dilatata erat in aneurysma*, cu-  
 jus interni parietes osseis hic illic squamis obtegeban-  
 tur (a).

XXIX. MORGAGNUS quoque sua observata propo-  
 nit, quae ad scopum nostrum apprime ducunt. In pri-  
 mis refert de octogenaria (b), in cujus cadavere *cor erat*  
*mole auctum*, & aorta a corde ad primum usque orifi-  
 cium superiorum ramorum maxime dilatata, & toto fer-  
 me eo tractu operta intus squamulis osseis, & nihil magis  
 quam creberrimas albae cerae guttas referentibus, postquam  
 in pavimento refrixerunt. Nec ab his valde dissident, quae  
 recenset, se in aliis observasse (c), atque harum observa-  
 tionum narrationem, ne taedio simus, juvat silentio prae-  
 terire.

XXX. Ex his igitur inferendum est, cum MORGAGNUS anatomicus expertissimus, verique amantissimus, ubi arteriarum ruptiones, aut futurae disruptionis indicia vidit, aperte istas indicaverit, jure ac merito nos propositionem xxvii. posuisse. Ad hanc vero confirmandam adde, nos certos non esse, utrum scilicet omnia aperta, disruptaque aneurysmata, quae in cadaveribus se deprehendisse testantur Auctores, vivis in hominibus jam diu talia extitisse, an vero in mortis articulo tantum contigisse, quod in non nullis utpote frequentissimum, & verosimillimum multi medicinae scriptores crediderunt.

XXXI. Quoniam vero de arteriarum futurae ossificationis indiciis, de squamulis osseis, & de ipsis arteriis penitus ossificatis supra jam facta fuerit mentio, & infra rursus fiet; ad alias a FREINDIO contra nostram opinionem oppositas difficultates dissolvendas non inutile pauca alia in sequentibus adjicere existimamus, quae majorem quaestioni lucem afferent.

XXXII.

(a) Morgagn. ead. epist. art. 25.

(b) Epist. XVIII. art. 28. (c) Ead. epist. art. 30., & seq.



XXXII. Et primo arterias in vere osseam aliquando naturam mutari contra illos omnes affirmamus, qui has nunquam ossificari asseverant, illasque duras squamulas, quas nos osseas vocamus, nihil aliud esse, quam *materiam tartaream* dictam, quae ad lithyasis formationem concurrit. Animadvertendum tamen est, nos non inficiari tartarum hoc in arteriarum caveis, aliisque locis aliquando colligi: sed hujusmodi tartareae concrectiones veris ab ossificationibus certo certius distingui possunt.

XXXIII. Concrectiones enim calculosae nec flexiles, nec elasticae sunt, nec in prunas injectae foetorem illum exhalant, qui ex combustis ossibus percipitur, nullamve nigredinem ad ignem adipiscuntur. Insuper si haec dirumpantur, nullum, aut fere nullum strepitum edunt, & in minima fragmenta dissiliunt, contra ac evenire solet, si frangantur modo dictae ossificationes, quamvis siccissimae sint.

XXXIV. Ut vero notum sit, Clariss. MORGAGNUM relatas observationes diligentissime instituisse, ipsum hac de re loquentem audire praestat.... *Sed hoc unum dicam, me quoque, cum osseas voco, non aliud, quam similitudinem spectare, nec quando revera osseas, aut vera ossa non modo in arteriis, sed & alibi fuisse, scribo, aliud mihi velle, quam ne forte suspiceris, qualescumque duras concrectiones a me temere, & nimis facile pro osseis acceptas; sed ut certo scias, quas osseas voco, attente consideratas reapse osseis tanto similiores visas esse, quanto lapideis, tophaceis, gypseis, calculosis dissimiliores (a).*

XXXV. Nec video, cur tam acriter arteriarum ossificationem impugnent, cum res ipsa non admodum difficilis sit intellectu. Nam si haec a majori, validiorique sanguinis impetu in earum parietes irruentis repetatur, hoc conveniet cum IMMORTALIS BOERHAAVII men-



te a plerisque probata, qui *Senectus* inquit (a), & *vita laboriosa* musculos fere totos tandem in tendines, hos vero in cartilagine, & ossa permutant. Praeterea senum carnes duriores esse docent Anatomici, nec non vetustorum animalium carnes difficillime, & coqui, & dentibus trituri, & a stomacho digeri, omnibus compertissimum est.

XXXVI. Nullam fere esse in Animalis corpore partem, quam ossificatam aliquando Medici non invenerint, eorum observationibus innixus ausim asserere. Qua in re sufficiant HALLERI (b) & auctorum ab ipso citatorum historiae, nec non Celeb. MORGAGNI (c) observationes, quae membranas, musculos, tendines, & ligamenta saepe in vere osseam naturam degenerasse ostendunt; immo penem ipsum osseum prorsus factum CHRISTIANUS PAULINUS teste etiam BARTHOLINO commemorat (d). Cur ergo arteriis id abnegabimus, quod aliis partibus etsi ex eadem compositis substantia nemo denegat?

XXXVII. Quamvis non hujus loci sit, de ossificationis modo differere; attamen praecipuas Auctorum opiniones circa hanc referre, operae pretium duco. Clariss. BOERHAAVIUS (e) ossa per lentam indurationem succi gelatinosi formari jam scripsit; Cel. vero DU-HAMELIUS (f) ossa non ex succo ossificante, sed a periostio indurato confici, ex arborum analogia deduxit, & variis in animalibus factis experimentis propriam opinionem comprobare studuit, duosque nobis reliquit commentarios (g), in quibus haec experimenta & aliae observationes diversae ab Auctoribus in ipsis hominibus factae referuntur.

esse

(a) Instit. medic. de oeconom. animal. parag. 415.

(b) In comment. ad Boerh. instit. parag. 415., & ejus nota b.

(c) In epist. XXVII. n. 18., & alibi.

(d) Centuria 1. observ. 72. (e) Praelect. I. R. M. n. 476.

(f) Memoir. de l'Acad. des Sciens ann. 1730.

(g) Cit. oper. ann. 1741.



XXXVIII. Interea Clariss. HALLERUS (a) hanc DU-  
HAMELII opinionem ut hypotheticam tantum, & expe-  
rimentis non suffultam cenlet variis potissimum ex causis:  
primum scilicet, quia in articulis cavis gelatinosus suc-  
cus in tophos concrevit, ad quos periostium nil con-  
fert testante Clariss. BINNIGERO (b); secundo, quia  
ipse, alique Incisores (c) crustas albas, leves,  
planas, ovis subrotundis Agaricorum similes vertebrarum  
superficiem tegere invenerunt, & succi effusi simillimas  
esse, nihilve a periostei natura habere. Tandem ob id po-  
tissimum, quod in spina ventosa succum cerae similem  
exsudare, & ossescere suis oculis HENRICUS FRAN-  
CISCUS LEDRAN (d) deprehenderit.

XXXIX. Cum vero Physicis in rebus plus valeat  
unum experimentum, dummodo bene institutum sit (quod  
admodum difficile esse patet, si vel leviter consideremus,  
quot sint experimenta, ex quibus res omnino oppositae  
deducuntur) quam multa verba, multaeque rationes; hinc  
Sapientiss. HALLER pericula cum *rubia tinctorum* facere  
incisori suo DETLEFINSIO commisit, ex quibus ossa ab  
ossificante succo, non vero ab indurato periostio gene-  
rari, & crescere sibi persuasit.

XL. Ex dictis, ut unusquisque videt, primum  
est intelligere, auctoritates auctoritatibus, facta factis, ex-  
perimenta experimentis opponi. Quare lubentissime ex-  
pectabimus, donec physicarum, & naturalium rerum Cul-  
tores novis, & diligentissimis periculis quaestionem adeo  
obscuram pro rei dignitate enodaverint.

XLI. Quod ad nostram propositionem attinet,  
(n. xxxiii.) haec procul dubio confirmatur Clariss. HAL-  
LERI observatione xxxvii. (e), *qui remotis omnibus*  
*granulis, & sabulis, aliisque indurationum speciebus, quae*  
*passim*

---

(a) Oper. minor. tom. prim. pag. 460. (b) L. I. obs. 51.

(c) Acad. Reg. Paris. ann. 1699. pag. 50.

(d) Observ. de Chirurgie pag. 134, (e) Opus. Patholog.



passim ab Auctoribus observatae fuere, de unico genere indurationis preferam observationes, inquit, quae fit in arteriis, & quam vulgo notam esse, non ignero, in modo, quo fit, aliquid nondum observatum esse suspicor. Tali autem pacto hanc indurationem explicat: Ego vero, cum ante aliquot annos adeo frequentes osseas laminas repererim, tandem in viri arteria aorta callosas passim, & flavescentes sedes observavi, quae versus ipsius vasis cavitatem convexae eminebant, eas aperui, nam membrana interna integra adhuc claudebatur, reperi succum flavum in cellulosa secundam arteriae clam effusum, quae inter musculosas fibras, & intimam tunicam est. Mollis saccus erat pultaceus, non dissimilis ejus, qui in atheromate reperitur. In eodem corpore aliae simillimae flavae sedes callosae, siccae, coriaceae reperiuntur sunt, aliae cartilagineae, aliae denique osseae, & ad ferri tactum strepentes. Videbam ergo naturalem quamdam progressionem, cujus initium succus effusus haecenus mollis esset, deinde gradus varii duritiei succederent, finis in ea natura poneretur, quam osseam vocant, etsi utique neque fila parallela, neque poros habet, & osse omni durior esse solet. Hoc experimentum saepe, & repetere licuit in tanta varietate cadaverum, ut omnino, & rem ipsam, & quod inde deduxi, corollarium firmum esse videatur.

XLII. Quocumque igitur modo haec arteriarum officatio absolvatur, hoc unum nos deducimus, arterias illas, quas aneurysmaticas, & interne osseas VALSALVA, MORGAGNUS, HALLERUS, & alii detexerunt, absque ulla continui solutione, integras nimirum, & tantum dilatatas fuisse. Nec hic repetere juvat, quod FREINDIUS (n. xviii.) circa LITTRII observationes dixit. Sanguinis enim coriacea membrana licet valde dura aliquando reperiatur; attamen hanc osseam, sive osseae similem naturam, nemo quod sciam, adeptam fuisse vidit.

XLIII. Quare constat, Clariss. FREINDIUM opinionem suam ad demonstrationem non perduxisse, sed tantum ostendisse, aneurysmata, cum ad summam dilatationem



tionem pervenerunt, dirumpi tandem; nec dici potest, ea ex ipsa arteriae ruptione originem duxisse. Atque haec de Clariss. RUISCHII, SEVERINI, MARCHETTI, WISEMANNI observationibus sint satis.

XLIV. Ut vero, ad id respondeam, quod (n. XIX.) ex ipso FREINDIO relatum fuit, scire vellem, utrum de aneurysmatibus externis, an vero de internis ipse verba fecerit; Nam, si primum, non tantum utilem distinctionem nostram, verum etiam necessariam: Si secundum, in theoria veram, in praxi parum, vel nil utilem esse autumarem.

XLV. Nostram itaque de Aneurysmatibus divisionem non tantum in praxi utilem esse ex eo contendimus, quia spuria diversa plane methodo, quam vera curantur, ut videre est apud Chirurgiae scriptores: Sed etiam illam in theoria necessariam esse statuimus, quia inter se haec aneurysmatum species valde discrepant. Enim vero Laud. SYLVATICUS praecipuam, ac primariam aneurysmatis veri notam in eo reposuit, quod digitis compressum omne, vel saltem majori ex parte retroeat, & demum aboleatur, neque id arteriae tantum dilatatae, licet haec tumorem faciat, unquam convenit. *Cedet quidem aliquantisper, inquit, (a) veluti & tumor quilibet mollis, & flatuosus, sed non adeo retrocedet, ut evanescat.*

XLVI. De internis pariter veram hanc esse in theoria divisionem, ex hucusque dictis arbitramur, quae in Praxi parum, vel nil emolumenti affert, quoniam haec internoscere difficillimum est, ne dicam impossibile; & denique, quia iisdem remediis tam vera, quam Spuria curantur.

XLVII. Ultimo tandem animadvertere juvat, non tam parvi faciendam esse contra FREINDII mentem difficultatem, si vera HIPPOCRATIS sententia habeatur, ex ejus aphorismo petitam, cui satisfecisse, ut legere est n. XXII.,

&

---

(a) Cit. jam differt.



& **XXIII.** ipse opinatur. Nam non quicumque motus sanguinis putrefactionem impedit, sed validus, & non toti extravasati sanguinis massae, verum etiam partibus ipsum grumum componentibus communis sit, oportet. An hic motus a Sanguine ad multos annos stagnante putrefactioni arcendae par erit?

**XLVIII. SYLVATICUS** ipse, qui ut (**n. XXIII.**) vidimus, etsi eadem proferat argumenta, quibus usus est **FREINDIUS**; attamen non omnem difficultatem hac in quaestione sublatam fuisse idem agnovit. Nam ad externorum aneurysmatum putrefactionem retardandam, postquam aliqua topica remedia parti affectae applicita sunt, tumorem saepe saepius comprimendum esse docet, ut expressus Sanguis cum praeterfluente misceatur. Cautissime hoc **Clariss. Viri** praecepto utendum reputaverim, ne aut grumi sanguinei in arteriae reliquum truncum repulsi iter sanguinis obstruant, aut aneurysmatis tunicae tenues nimis factae compressione rumpantur, vitamque extinguant. At postquam admonuisset, non in omnibus intra idem tempus sanguinem putridum fieri, verum hoc pendere a majori, vel minori sanguinis ipsius ad putrescendum natura, temperamento &c. concludit (*a*): *Utrumque tamen sit, annum terminum in magno aneurysmate excedi posse, nullo possumus argumento persuaderi.* Si ergo hic **Celeber. Vir** tam breve spatium externis aneurysmatibus assignavit, in quibus infinita antiseptica adhibentur remedia & motus accelerari potest: quid dicendum de internis, ubi haec locum minime habent? An aeris atmosphaerici absentia putrefactionem prohibet?

**IL.** Sed missis variis Auctorum, qui ante nostram aetatem floruerunt, de aneurysmatis natura distinctionibus ordo exigit, ut juxta recentiores, excellentioresque **Medicae doctrinae Magistros** in tria genera ea dividamus, quorum primum est illud, quod proficiscitur a sola arte-

---

(*a*) Eadem differt.



arteriae dilatatione, alterum, quod ejus ruptura efficit a quacunque causa dependens, simulque sanguinem effundens: tertium, quod utramque simul habet causam. Primum igitur *Verum*, secundum *Spurium*, ultimum *Compositum* (a) cum Huntero (b) dicimus. Nec rejiciendum est aliud genus, quod varicosum ex eo vocant, quia fit, quando arteria, & vena ita contiguae sunt, ut si simul perforentur, sanguis ex illa in hanc irruat, & tumorem micantem pariat. Quod si sanguis latius effunditur per cellularem telam, aneurysma *Diffusum* erit, contra *Circumscriptum*, si in angusto loco a membrana Aponeurotica contineatur. Doctiss. FUBERTIUS (c) subdividit aneurysma spurium in *primitivum*, & *consecutivum*, quorum alterum mox post arteriae laesionem oritur; alterum vero post aliquot dierum spatium ab ejusdem laesione consequitur.

L. Clariss. LIEUTAUDII auctoritate nos non movemur (d), qui aneurysmatum distinctionem in vera, & spuria tunc solum admittit, cum haec exteriores corporis partes occuparent. Quodlibet enim aneurysmatum genus (n. IL.) ubique oriri posse videtur: Aneurysma autem *Verum* frequentius interioribus, *Spurium* exterioribus in partibus, ac praecipue in artubus cum PLATNERO (e) sustinemus.

LI. Omissis igitur aliorum Auctorum aneurysmatis definitionibus, hoc esse dicimus, vel arteriam praeter naturam alicubi in tumorem dilatatam, vel tumorem in circumpositis partibus ab eadem rupta, aut incisa, &

D

fan-

---

(a) Tertium aneurysmatis genus ab Huntero constitutum rejiciant nonnulli tanquam fictitium. Videatur diar. de litterar. Europ. ann. 1758. tom. 4. pag. 114.

(b) WILLIAM HUNTER Medical observations and inquiries by a Society of Physicians in London vol. 1. pag. 325.

(c) Memoires de l'Acad. Royal. de Chirurg. tom. 2. pag. 515.

(d) Synop. medic. (e) Instit. Chirurg. §. 442.



sanguinem effundente ortum, vel utriusque mali complicationem.

LII. Venis etiam hujusmodi vitium commune esse, nemo est, qui ignoret: Hae enim vel propriam, ac naturalem capacitatem amittunt, amplioremque acquirunt, vel quomodocumque ruptae, vel discissae in proxima telae cellularis spatia aliquid sanguinis emittunt. Illud nomine *varicis*, hoc *ecchymoseos*, sive *sugillationis* insignimus illos non curando, qui uno aneurysmatis vocabulo, ut Veteres (n. v.) utraque & venarum, & articularum mala complexi sunt.

LIII. Haec praemittere, antequam sermo ad peculiarem de praecordiorum aneurysmatibus disquisitionem convertatur, necessarium judicavimus; Ex his enim varia intelliguntur, quibus praetermissis nimis obscura fuissent.





# CAPUT II. <sup>27</sup>

*De praecordiorum aneurysmaticis, & varicosis vitiis, & de praecipuis eorum differentiis.*

LIV. **S**ub praecordiorum nomine illud spatium intelligimus, in quo universa fere aorta crebre aneurysmatica fit, & vena cava varicibus corripitur, quos limites CORNELIUS CELSUS, & MATANUS jam posuere (a).

LV. HIPPOCRATI incognita fuisse praecordiorum vitia non omnes consentiunt, quia variis in locis mentionem facit de tumoribus in vasis cordi adhaerentibus, & in arteriis sedem habentibus (b). GALENO quidem, AETIO, PAULO AEGINETAE, ACTUARIO, aliisque Graecis, & Arabicis scriptoribus innotuisse asserunt nonnulli: Clariss. vero MATANUS (c) GALENUM primum aneurysmata perspexisse, nullumque ex his, qui ante illum supersunt, scriptoribus de tali morbo aperte locutum fuisse contendit, cum ille primus prae caeteris videatur, qui hosce affectus aliqua ornatos observatione complectitur.

LVI. Nos vero HIPPOCRATI, GALENO, AETIO, ORIBASIO, PAULO AEGINETAE, ACTUARIO aneurysmata cordis, & aortae incognita fuisse cum LANCISIO (d), & MORGAGNO (e) credimus ex eo, quod, ut optime animadvertit MORGAGNUS; illis temporibus

D 2

Be-

---

(a) Vid. Matan §. 3. lib. seq. n. cit.

(b) Vid. Georg. Seger dissert. de Hipp. Lib.

(c) De praecord. aneurysmat. morb.

(d) De aneurysm. L. 1. prop. 2.

(e) Epist. anat. medic. xvii. art. 1.



*Bestiae pro humanis corporibus inciderentur, quae raro morbis hujusmodi corripiuntur.*

LVII. Et Eruditiss. MATANI propositionem distinguimus concedendo nullum ante GALENUM de Aneurysmatibus externis verba habuisse, verum interna GALENUM ipsum ignorasse affirmandum est. Nullus enim locus in omnibus ejus operibus extat, in quo de hujusmodi morbis egerit, si excipias, ubi loquitur de externis, uti jam (n. III., & IV.) commemoratum fuit.

LVIII. Nec ipse SYLVATICUS in toties citata de Aneurysmate tractatione interna omisisset, si haec vel ipsi nota, vel ab aliis jam descripta fuissent; neque RIOLANUS (a) *raro aneurysma in aortae trunco propter crassitiam tunicarum* accidere scripsisset: tandem JOACHIMUS GEORGIUS ELSNNERUS, cui Romae videre contigit in Musaeo nobilis GUILIELMI RIVAE aortae aneurysma (b) in cadavere Laurae Peronae anno 1664. detectum, huic observationi anno 1670. titulum non praefixisset *de Paradoxico aneurysmate aortico.*

LIX. Cor autem modo totum, modo in una tantum parte dilatari, aliisque vitiis subijci certi sumus, postquam anatome majori cum diligentia illustrari caepit. NICOLAUS enim (c) MASSA primus, ut puto, in quodam viro anno 1534. dissecto invenit *cor magnum, & tantae magnitudinis, quantam nunquam in alio homine viderat.* Clariss. VESALIUS (d) Cor *doctissimi viri* vidit, in *cujus sinistro ventriculo glandulosae, sed subnigricantis interim carnis libras propemodum duas reperit.* CAROLUS STEPHANUS (e) in quodam cadavere conspexit..... *cordis auriculam dextram, quae in amplam magnitudinem usque adeo excreverat, ut tripulo major altera videretur.*

BAL-

(a) Encheir. anat. L. 5. c. 46.

(b) Figuram vide in miscell. medic. ann. 1670. observ. 12.

(c) In lib. introduc. anatom. c. 28.

(d) De corp. human. Fabr. Lib. 1. cap. 5.

(e) De diff. part. corp. human. L. 2. cap. 33.



BALLONIUS (*a*) mentionem facit de corde *majusculi capitis magnitudinem* adaequante. Et tandem, ut infinitos alios omittam contemporaneos, ANDREAS LAURENTIUS (*b*) cor Equitis GUICIARDINI invenit *prodigii instar in eam molem excrevisse*, ut Thoracem fere totum impleret. Qui alias hujusmodi historias cupit, consulat BONNETUM (*c*), SCHENCHIUM (*d*), LANCISIUM (*e*), SENACIUM (*f*), KNIP-MACOPPE (*g*), PASTAM (*h*), VALCARENGHIUM (*i*), MORGAGNUM (*l*), SWIETENIUM (*m*), MATANUM (*n*), HAENNIUM (*o*), LIEUTAUDIUM (*p*); & ibi non solum cordis, verum etiam aortae, venae cavae, aliorumque vasorum dilationum exempla inveniet.

LX. Ex his colligitur jure, ac merito Celeber. MALPIGHIUM (*q*) scripsisse: ..... *certum esse, manifestas fuisse multas causas morbosas in corde, & in praecordiis ejus usum perturbantes, ut sunt polypi, dilatatio arteriae aortae, ex quibus oriuntur palpitationes cordis, Syncopes, & aliquando Syncope cardiaca: Hujusmodi cognitiones sunt hujus seculi (scilicet XVII.)* Caeterum, istorum morborum cognitionem ante seculi XVI. initium ignoratam, atque postea eorum doctrinam ad nostram usque aetatem magis magisque adauctam fuisse, concludendum est.

## LXI.

- 
- (*a*) Epid. l. 2. in constit. autumn. ann. 1573.  
 (*b*) Hist. anat. human. corp. L. 9. quaest. 18.  
 (*c*) Sepulcr. anatom.  
 (*d*) Paratyriscon, sive observ. medic. rar. nov. admirab. & monstr. (*e*) De mot. cord. & aneurysmat.  
 (*f*) Delle malat. del Cuor. trad. dal franc.  
 (*g*) De Aortae polypo. (*h*) De cord. polyp. in dub. revoc.  
 (*i*) De Aortae aneurysm. observ. 3.  
 (*l*) De sed. & caus. morb. per anat. indag.  
 (*m*) In comment. ad Boerh. aphor. de conosc., & curand. morb.  
 (*n*) De aneurysm. praecord. vit. (*o*) Rat. med.  
 (*p*) Hist. anat. med.  
 (*q*) Marcell. Malpigh. op. tom. 2. edit. Amst. pag. 334. respon. ad epist. cui tit. est. *De recent. medic. stud.* a Joann. Hieron. Sbaralea an. 1687. Gotting. scrip.



LXI. Haec praecordiorum aneurysmata Clariss. LANCI-SIUS (a) distinxit in *vera*, sive *legitima*, & in *notha*, sive *spuria*. Prima juxta hunc Auctorem sunt, quae fiunt a causis proxime debilitantibus arteriarum, vel cordis texturas, & resistentias. Spuria autem, quae ab initio non pendent a debilitata resistentia villorum, ac fibrarum cor, & arterias texentium: sed potius ab adaucta vi impetus vel recti, vel reflexi sanguinis supra naturalem, & ordinariam arteriarum, & cordis resistentiam impellentis. Cujus vim naturalis, & communis arteriarum firmitas ferre non valet absque tunicationum relaxatione, vel disruptione. Hoc in casu relaxationem, aut disruptionem tunicarum tanquam effectum proficisci, minime vero aneurysmati primam causam praebere, & sic in vera facile degenerare nemo non videt.

LXII. Hac LANCISII divisione admitta, & nominibus tantum veluti minus idoneis rejectis, nos, quae ipse vera, *passiva*, quae *spuria* dixit, *activa* cum Clariss. SAUVAGESIO nominamus (b); sic enim tollitur confusio, quae ex jam facta (n. xlix.) generali divisione exoriri posset. At cum Clariss. MORGAGNO (c) arteriarum praecordiorum dilatationes, quaecumque fuerit eorum origo, in duo potissimum genera distingui debent, in ea scilicet, quae *vas aequae in omnem partem expansum* formant, & in ea, quae *sacci instar e vasis latere excrescunt*. Prima *non saccata*, vel *non sacciformia* aneurysmata, secunda *saccata*, sive *sacciformia* dicimus.

LXIII. Cum vero vix ullum sit interiorum partium aneurysma, a quo alterutra hujusmodi dilatatio abesse possit; idcirco haec divisio a Doctiss. Viris SCHREIBERO (d), VALCARENGHO (e), quam maxime approbata fuit, & ex variis aneurysmatum sacciformium positionibus facile

---

(a) Lib. 1. de aneurysm. in gen. prop. 5.

(b) Nosol. meth. tom. 1. clas. 1. ord. 5.

(c) Advers. 2. animadvers. 38.

(d) Act. Erud. lipf. ann. 1731. mens. august. pag. 377. 378.

(e) De Aort. aneurysm. obser. 1.



facile LITTRIUS (a), & BOERHAAVIUS (b) <sup>31</sup> rationem deduxerunt, cur a mutato corporis situ, nunc animi deliquia, nunc vero suffocationes consequantur.

LXIV. Si igitur supponas, sanguinem in sacci fundum ob peculiarem corporis positionem declivio~~rem~~ factum irruere, & hunc implere; tunc sanguinis praeterlabentis copia imminui debet ita, ut in proximis vasis sanguinis circulatio interrumpatur: quin immo a sola adjacentium vasorum compressione, quam ipsemet saccus diversae positionis ergo interdum efficit, ea praepediri potest: quod ubi accidit, animi defectionem sequi veritati apprime consonum est. Si vero hic saccus ita collocatur, ut aspera arteria, vel Bronchia comprimantur, Homo tunc suffocari debet.

LXV. Cor diversis modis dilatari (n. Lix.) dictum fuit: has autem dilatationes cum BALLONIO, LANCI-SIO, SENACIO, MORGAGNO, HAENNIO (c) eadem aneurysmatis significatione comprehendimus eas pariter in sacciformes, & non sacciformes distinguendo; & ultimo ut istiusmodi morborum diagnosi minus difficilis sit, dilatationes totius cordis, vel auriculae sinistrae, vel ventriculi ejusdem lateris, vel Aortae, vel subclaviarum &c. ad vitia *aneurysmatici generis*; distensiones vero sinus venae cavae, vel auriculae, & ventriculi dextri, vel arteriae, & venae pulmonalis ad illa *generis varicosi* Doctiss. ALBERTINO duce (d) revocari possunt.

CA-

---

(a) Mem. de l'Acad. Roy. des sciences ann. 1707.

(b) Praelect. Acad. in propr. instit. rei medic. tom. 5. §. 326.

(c) In libris n. lix. citatis.

(d) Aët. acad. Bonon. tom. 1. in opus. pag. 382.



## CAPUT III.

*De caussis proegumenis, sive  
praedisponentibus.*

LXVI. **H** Acc de praecordiorum aneurysmaticis vitiis, nunc de caussis, quae diros hosce morbos inferunt, utpote quae scitu necessariae omnino sunt, & non exiguam lucem eorum diagnosi, & Therapeuticae affundunt.

LXVII. Harum igitur divisio, claritatis gratia, erit primum in *proegumenas*, sive praedisponentes, & in *procatarticas*, sive occasionales, deinde in *generales*, & *peculiares*, in illas scilicet, quae cuivis praecordiorum dilatationi, & in eas, quae peculiari tantum cuidam cardiaco aneurysmati propriae sunt.

LXVIII. Ad proegumenarum classem in primis spectat *haereditaria labes*, quod fortasse alicui minus verum videbitur. Quamvis enim nobis perspectus non sit modus, quo peculiares Parentum infirmitates in filios traducantur; at tamen istius rei veritatem quotidiana experientia evincit, ipsumque Hippocratem hanc cognovisse patet ex loco: (a) ubi inquit: & quia *Animal secundum Parentes nascitur, tot humorum species, & sanorum, & morbosorum in se habet, tum etiam ex solidorum culpa, ut ex lienoso lienosus, ex tabido tabidus nascitur*. Quomodocunque hoc eveniat, morbum hunc haereditarium esse, medicae historiae, observationesque testantur.

LXIX. Rem ita se habere ex ipsa analogia eruitur: Nil enim communius est, quam filium reperire a podagroso Patre genitum podagra laborantem, quod idem de  
phri-

---

(a) De Morb. sacr. n. 5.



phthisicis, scorbuticis, tabidis, calculosis, epilepticis affirmandum est. Cur ergo haereditaria quoque aneurysmatica diathesis in filios non transfundetur? Cum vero ea omnium validissima sit ratio, quae ex ipsa constanti observatione deducitur, idcirco & nos ad peculiaria observata confugimus. Equidem Clariss. LANCISIUS (a) in nobilissima familia morbum hunc, dilatationem idest dexterae auriculae cordis, per quatuor generationes Proavum scilicet, Avum, Patrem, & Filium propagatum vidit, quorum ultimus, cum ante quartum aetatis annum ad plures migrasset, facta ejus cadaveris sectio, haereditariam hanc labem Clariss. observatori exhibuit, cordis nigrum dextram auriculam solito debiliorem, amplioremque. HYPPOLITUS quoque ALBERTINUS (b) duabus in nobilissimis familiis cordis, & praecordiorum aneurysmatica vitia a Proavo, & Avo, & Parente in Filios perniciose haereditate descendisse observavit.

LXX. Laxa totius corporis constitutio inter causas passivorum (lxii.) aneurysmatum praedisponentes jure, ac merito refertur, atque hoc facile intelligi potest, si perpendas, ob fibras in corpore nimis relaxatas, ejus etiam partes debiliores esse, ac proinde arterias eodem vitio laborare intelliges, quo circa facilius hae dilatari, & dividi poterunt a quacumque vel levi causa praeter naturam accedente. Nec ad hoc demonstrandum necesse est, ad mathematicas demonstrationes se recipere, & eos sequi, qui dum in hisce, alioquin utilissimis, tempus rerum, magis necessaria, istorum videlicet diagnosim, & curam aut omittunt, aut tam leviter indicant, ut si non obscuriorem, clariorem certe non reddant. Ex allata autem causa praecipue vera oriuntur aneurysmata (il.). Nam si sensim adaugetur sanguinis impetus in arterias, hae paulatim dilatari incipiunt. Nec desunt historiae apud

E

Aucto-

---

(a) De aneurysm. in gen. prop. 47:

(b) In libr. n. 65. cit.



**Auctores**, quae hanc opinionem confirmant.

**LXXI.** Silentio praeteribo, quamcumque sanguinis dyscrasiam aneurysmatis causam praedisponentem esse, quam triplici modo agere putat Clariss. LANCISIUS, (a) vel enim ad cor deponitur, illudque irritat ita, ut fortius micare, & se se contrahere debeat, tunc ex crebris, validisque palpitationibus, vel magis, magisque nativa cordis compages laxatur, ac in aneurysma dilatatur, vel sanguinis ingenti vi in proximas arterias projectus debiliores earum tunicas ita urget, ut pedetentim distractae, aut alicubi laceratae in aneurysmaticas commutentur: vel ipsorum vasorum, dum sanguis per ea transfluit, internam membranam corrodit, & sensim exedit, unde aneurysmata juxta SENNERTI, & HILDANI opinionem (n. xv.) exoriuntur. Quod illis mirum esse haud debet, quibus notum est ab hujusmodi causticis humoribus ipsos durissimos dentes cariem contrahere, ut quotidiana experientia in scorbuticis potissimum nos docet. Ultimus tandem agendi modus innotescet, si animadvertas a continuo, & perenni cordis, arteriarumque motu semper aliquid elementorum eas partes constituentium abradi, quae cum ab influente sanguine, acrimonia quacumque vitiato reparari constanter nequaquam possint, evidentissimum est, arteriosorum vasorum, & cordis substantiam ob defectum nutritionis sensim debilitari, ac flaccescere. Nec scire inutile erit, utrum sanguinis prava indoles ab uno potius, quam ab alio pendeat principio; diversis enim prout diversa est causa, tolluntur remediis.

**LXXII.** Quo magis nervosum systema sensibile est, eo promptius, & a levi quacumque causa facilius, validiusque cor se se contrahere, omnes concedunt Physiologi, quod praestat etiam nimia fibrarum muscularium irritabilitas; per has vero crebras, validioresque contractiones cordis vis infringitur, ejusque caveae praeter naturam

---

(a) Lancis. lib. cit. propos. xxix



35

rum distenduntur, hinc aneurysmaticae fiunt, oportet. Quod citius eveniet, si alia causa ad hujusmodi affectiones idonea accedat.

**LXXIII.** Certum quoque, perspectumque ex **LANCISII** observationibus habemus, sutores, & sedentarios artifices, si simul prava sanguinis indole laborent, raro absque praecordiorum vitiis senescere: quod etiam saepe saepius in viris plus justo studio deditis observarunt; in his enim non desiderantur digestionis vitia, Lienis, Hepatis, aliorumque viscerum obstructions, quae omnia vel sanguini circumeunti obstaculum opponendo, vel dyscrasiam inducendo aneurysmata inferunt; adde, quod in profundis meditationibus, velint, nolint, spiritum diu retineant, quapropter sanguis in arteriam pulmonalem propulsus, per pulmones ipsos diu nimis dilatatos progredi nequit; ergo in dextro cordis ventriculo, atque auricula sanguineus humor quadam ex necessitate colligetur, harumque partium aneurysmatica distentio fiet.

**LXXIV.** Ex hucusque allatis generatim concludere licet, facilius pueros, quam adultos, faeminas, quam mares, debiles quam robustos, cachecticos, quam optimo corporis habitu praeditos, hystericas, & Hypochondriacos, nec non moniales aneurysmaticis vitiis affici.





## CAPUT IV.

*De causis procatarticis.*

**LXXV.** **N**imis longum, nec non taediosum esset, omnes, & singulas hasce causas enumerare: quare praecipuas tantum, certioresque indicabimus, earumque agendi modum clarius, & brevius, quoad fieri potest, exponemus.

**LXXVI.** Inter has primum recensenda venit contusio a quocumque corpore resistente producta. Quomodo externus ictus, vel interna contusio aneurysmata prodignat, ratio ipsa nos docet, & medicae historiae testantur: animadvertendum tamen est, juxta Clariss. LANCI-SIUM praeter contusionem tria alia, quae simul concurrant, ad aneurysmata efficienda requiri. Scilicet primo eodem temporis momento ipsa arteria, ab externo corpore percutienda est, quo fit ejus diastole: ex his enim duobus oppositis ictibus ea magis afficitur, & laeditur. Secundo naturalis, vel innata arteriarum debilitas necessaria est, quae externis, internisque impulsibus facilius cedat. Succorum demum prava qualitas accedere debet; quoniam vitii humores contusa arteriarum loca erodunt, exeduntque.

**LXXXII.** Interea non semper, ut aneurysma contusionem sequatur, tria illa requisita necessaria sunt, sed solum externum ictum, vel internam contusionem, dummodo haec satis valide sint, ad vasorum externam cellularem destruendam, sufficere asserimus (a). Tunc enim vasa ita de-

---

(a) Ex Clariss. HALLER. & SPALLANZANI experimentis hoc satis constare arbitramur. Isti enim Clariss. viri in Animalium frigidi sanguinis mesenterii vasa destructa cellulari externa, mox aneurysmatica evasisse observarunt.



37

debilitata dilatari, vel dividi etiam poterunt, ut mox patebit.

**LXXVIII.** Exemplum aneurysmatis aortae a contusione oriundum refert **LANCISIUS** (a), quod observavit in **EMINENTISS. CARDINAL. ALBANI** famulorum decano, qui, dum per publicam viam incederet, a sphaera buxia vehementer in sinistra dorsi parte percussus fuit. In *Transact. Philosophicis* (b) alicujus hominis historia non deest, qui casu violentam pectoris concussionem passus in haemophthysm incidit, qua diutius perseverante tandem occubuit, & in ejus cadavere tam magnum aortae aneurysma repertum fuit, ut totum dexterum thoracis latus impleverit. Aneurysma pariter a contusione natum vidit **SWIETENIUS** (c). Clariss. **VALCARENGHUS** (d) in cadavere **D. SEBASTIANI SEITZ** aortae aneurysma invenit, *cujus moles tam magna erat, ut ejusdem cavitas utrasque suas manus commode contineret*, cui aneurysmati occasionem praebuit ictus Illustr. viro inflictus, dum hic *fugientes milites citissime insequebatur cursu..... in suppositam cecidit foveam, oppositamque in ripam sterno dextrorsum vehementer impegit*. Similes quoque historiae extant apud **HAENNIUM** (e), aliosque.

**LXXIX.** Intempestivam, vel repetitam mercurialis li-  
rus administrationem, interna aneurysmata efficere testantur **PARAEUS** (f), **LANCISIUS** (g), & **MATANUS** (h), apud quos non nulla invenies hujuscemodi morborum exempla. Haud difficile est, intellectu, quomodo Hydrargyrus vi sua sanguinem, & lympham attenuante, & proprio pondere vasa omnia tum corrodere, tum praeter modum distendere, ac dilatare possit, ut jam scripserat

---

(a) Citat. lib. prop. 21. (b) (N. 265.)

(c) Comment. in Boerh. aphor. 176. (d) Obser. 2.

(e) Rat. med. p. 4. cap. 2.

(f) Vid. Bonet. Sepul. Anat. lib. 2. sect. 2. obser. 14.

(g) Prop. xxxiv.

(h) Citat. lib. 5. liii.



rat MICHELLOTUS, (a) hocque citius praestare, si cum acidis in corpore praeter naturam stagnantibus co-  
puletur; hoc enim in casu dissolvens magis, corrodensque  
evadit. An ergo mercurialium usus abolendus est in cu-  
randa lue venerea, ubi aneurysmatis suspicio adest? An  
amplectendus, si aneurysma a syphilitide pendet? Quae-  
stionem hanc alibi dirimendam transferimus.

LXXX. Velocissimi, & inconcinni corporis motus,  
si potissimum conjungantur cum aliqua praedisponenti  
caussa, aneurysmata, & praecipue spuria inducunt; hinc  
explicantur tot veterum medicorum historiae, quae re-  
ferunt, homines post violentissimas corporis exercitationes  
subito, vel paulo post fato defunctos fuisse, ex ruptione  
scilicet praexistentis aneurysmatis veri, vel ex subita spu-  
rii generatione. Quod si in eorum cadavera inquisivissent,  
non ex capitis, ut constanter illi opinabantur, sed ex  
praecordiorum vitio, vitam per saepe ademptam fuisse cer-  
te illis constitisset.

LXXXI. Hinc Gladiatores, pilae, & similium Luso-  
res, Concionatores, Tubicines, hemerodomas, & illos  
denique, qui per acclivia loca velociter ascendunt, prae-  
cipue vero si aliquo pondere onusti sint, facilius aneurys-  
matibus, praesertim internis laborare, observatum fuit.  
Clariss. HAENNIUS (b) in arteria poplitea horrendum  
aneurysma vidit, a saltu probabiliter natum. Cujusdam ho-  
minis aneurysmatici historiam refert PARAEUS, qui pila  
ludens subito mortuus est; MATANUS (c) in cujusdam  
concionatoris cadavere ex Capucinorum familia cor plus  
duplo majus invenit. Aortae aneurysma ex violento cursu  
ortum narrat VALCARENGHUS (d): aortam admodum  
dilatatam, & arteriam subclaviam dextram aneurysmati-  
cam

---

(a) In Act. Acad. Bonni.

(b) Rat. med. pars 4. cap. 2.

(c) In sua dissert. p. 19.

(d) Obser. 1., & 3.



39  
cam fuisse ob subitum capitis in dexteram partem flexum videbis apud Academicos Parilinos (a).

LXXXII. Quare quocunque modo spiritus, seu respiratio impedita, vel adaucta sit; sanguis per pulmonalia vasa libere permeare non poterit; hinc cor ejusque vasa majora praeter naturam tunc distendi debebunt.

LXXXIII. Ingluvies, & liquorum spirituosorum abusus non tantum praedisponentem aneurysmatis causam suscitare valent; verum etiam absque hujus concursu arteriarum dilatationes efficere, certissimum est; idque LAN-CISIUS (b) asserere non dubitavit, ex centum aneurysmatibus sponte, seu absque ullo externae causae concursu obvenientibus, plus media parte in gulosis, & bibacibus vidisse, reliqua vero in hypochondriacis, hystericis, & syphilitide obsessis, ibique aliorum Auctorum exempla indicat, simulque hujusce phaenomeni rationem exponit. Nos autem ad hoc magis confirmandum binas tantum observationes adjicimus, quarum prima est Clariss. HEURNII (c) referentis, hominem quemdam valde consumptum, & vino plus justo deditum, mortuum denique, cordis ventriculos tam dilatatos habuisse, ut cor bubulum aequaret. Altera vero ex ipso MATANO desumpta est (d), qui in homine ex ipsis incunabilis ingluviei amantiissimo immanem cordis amplitudinem deprehendit.

LXXXIV. Animi pathemata, subitaeque ejus commotiones causas efficacissimas esse praecordiorum aneurysmatum, eorum actionem, vim, & imperium in cor perpendiculari notum fiet, atque perspectum; ex quo principio Celeb. ALBERTINUS (e) causam deduxit, ob quam non infrequenter in homines, perraro vero in bestiis vitia haec occurrant. Neque desiderantur historiae, in quibus  
legere

---

(a) Acad. Roy. des scien. ann. 1700. histor. pag. 50.

(b) De aneurysm. in gen. prop. xli.

(c) Vid. Bonet Sepul. Ant. (d) Cit. oper.

(e) Act. Bonon. tom. 1. in opusc.



legere est, iram aliquando, ut ait SENACIUS, cordis ventriculos disrupisse, atque ideo nemo mirabitur, si aliquando hos tantum dilataverit: non dissimiles effectus a subito terrore permanant; tristitia quoque ad hasce dilatationes progignendas quammaxime confert, at diversa plane ratione. In hoc enim animi affectu pulsus aboletur, vel saltem imminuitur, dum in ira, & terrore acceleratur, immo cor ipsum valde palpitare solet. Quare apposite inquit idem ALBERTINUS: *ut vitia varicosi generis inter simplices, diuturnas, & graves animi aegritudines lente suborta vidi, sic plura aneurysmata post subitos mixtorum, & vehementium animi pathematum impetus ex tempore quasi nata detexi.* Istius autem phaenomeni expositionem ipse retulit (a), nec non SENACIUS (b), ubi diversos tristitiae, & irae agendi modos non ineleganter exprimit.

LXXXV. Quae priori numero dicta sunt, experientia comprobantur. Equidem BLANCARDUS de aliquo homine refert, magnum ob naufragii timorem valida cordis palpitatione, spirandique difficultate correpto, in cujus cadavere, Eruditiss. Vir tum cordis ventriculos a sanguine tam valde dilatatos, tum aortam ab eodem sanguine obstructam invenit. Similia memoriae prodita sunt a ZACCARIA FIURST, nec non ab Academicis Parisinis, ut refert Clariss. SENACIUS.

LXXXVI. Tussis valida, diuque protracta sanguinis motum modo auget, & modo illius descensum a superioribus partibus ex eo impedit, quod sanguis libero motu per pulmones non fluat, hinc fit, ut aneurysmata innascantur, quemadmodum contigit in Concionatoribus. Aneurysmatis in parte inferiori, & anteriori colli post violentam tussim orti historiam habemus in actis Academiae Parisinae. (c). Unum quoque cordis, & arteriae aortae aneu-

---

(a) Eod. lib. pag. 388.

(b) Lib. 4. cap. 9. capit. 9.

(c) Ann. 1733. Memoires pag. 153.



41

aneurysmatis a tussi excitati exemplum extat apud MOR-  
GAGNUM (a).

LXXXVII. Vomitus, si violentus, & diuturnus eadem  
mala gignit ob impeditum a diaphragmatis, & ventriculi  
contractione per Aortam descendentem sanguinis circuitum.  
Post validum quinque dierum vomitum aneurysma in  
cujusdam hominis collo natum, & ab Aortae curvatura  
incipiens, cujus descriptionem Clariss. LITTRIUS nobis  
reliquit, videbis in historia ACAD. PARIS. (b). Quare facile  
intelligitur, aneurysmata quoque inferri a magnis conatibus,  
& spiritus interceptione in pariendo, vel in difficiliore al-  
vo deponenda factis (c).

LXXXVIII. Pleuritides, peripneumonias, similesque  
pulmonum affectiones, dummodo longiores sint, & natu-  
ralis cordis, vasorumque debilitas accedat, cordis dexteræ  
auriculæ, ejusque ventriculi dilatationes induci SENA-  
CIUS, alique opinantur.

LXXXIX. Nec desiderantur historiae ad hanc opinio-  
nem comprobendam. Nam FANTONUS (d) in quodam  
Adolescente ex peripneumonia defuncto, dexterum cordis  
ventriculum reperit naturali longe majorem, & in cadave-  
re cujusdam viri, qui pariter pulmonum inflammatione la-  
boraverat, Cor enormiter dilatatum detexit, in cujus su-  
perficie variae albicantes maculae observabantur, ipsiusque  
substantia dura, scirrhusa, coronaliaque vasa valde turgida  
erant. MATANUS denique quodam in homine, qui pleu-  
ritide correptus absque ullo cordis aneurysmatis indicio  
occubuit, cor duplo majus se vidisse testatur (e).

XC. Non dissimili plane modo Hydrothoracem, & Asthma  
cordis augmentum, dilatationemque fovere, ex LAUBII,  
MARTINI, TULPII, & ACT. BEROLIN. observationibus  
F cum

---

(a) Epist. XVII. articl. 25.

(b) Ann. 1707. (c) Lieutaud. synop. medic.

(d) Obser. anat. Med. 19. pag. 52.

(e) In Epist. ad Amic. Novat. vid. nouvelle letter. di Firenz.  
Agost. Ann. 1758.



cum SENACIO deducimus. In phthisicis cor pariter valde magnum adesse, docent alii Auctores, & Hydrope peremptos cor valde dilatatum habuisse, scribit CHESELDEN (a).

XCI. Neque illis assentimur, qui hasce infirmitates a corde primo affecto semper pendere asserunt, ideoque ab iisdem cordis aneurysmata oriri negant. Notum siquidem est haec mala saepissime sejuncta reperiri; ergo & ab aliis principiis sunt repetenda. Verum si quis pancreatico valens pleuritide, asthma, vel alio consimili morbo affectus fuerit, post haec vero praecordiorum aneurysmatis signa appareant, non ne aneurysma secundarium erit, oriundum scilicet a pulmonibus primum laesis? Quibus positis, si causae, & signa absint, quae praecordiorum vitia gignere possunt, vel jam nata manifestant, adsint vero, quae pleuritidem, asthma, & hydrothoracem: atque inde praecordiorum aneurysmata prodant; an non haec tum a pleuritide, asthma & hydrope pendeant?

XCII. Omitto febres intermittentes, & acutas: pronum enim est intelligere, quomodo hae aneurysmata inducunt, & satis cum ab HEURNIO (b) tum a FANTONIO variis observationibus confirmatum fuit. Cordis palpitaciones si lebo, quarum efficaciam in aneurysmatibus procreandis, historiae medicae satis extollunt. Etenim in Juvene post enormes, validasque palpitaciones demortuo sinistram cordis cavum triplo majus dextero inventum fuit (c). In ACTIS PARISINIS (d) legere est de homine triginta quatuor annorum post diuturnas, validasque cordis palpitaciones e vivis crepto, in quo cordis ventriculus dexter immodice distendebatur, & tamen ejus substantia naturali crassitie praedita erat. Quare huc referendae veniunt omnes causae palpitaciones suscitantes, ejus nimirum inflammatio, abscessus, tubercula, lapilli, officula in ipso corde genita, & quaecunque sanguinis e corde liberum egressum vel in ipsum

---

(a) Vid. Senac. cap. 9. n. 3. (b) Observ. XXVIII.

(c) Abridgment tom. 5. pag. 229. (d) Ann. 1735. hist. pag. 29.



Ipsum ingressum aliquo modo impediunt; nimia ejus irritabilitas, vel universi systematis nervosi sensibilitas, pus denique, ichor, serum acre in pericardio collectum, tumor, abcessus, ipsius pericardii crassitudo, durities, nimia pinguedo, vel cartilaginea, vel ossea natura, vel cum corde arcta connexio, a quibus omnibus cordis palpitaciones proficiuntur.

XCIII. Scabies, & quaecunque aliae cutanae eruptiones frigore, vel non accomodatis remediis intempestive retropulsae non raro internis aneurysmatibus originem praebent. Profecto Celeb. MORGAGNUS (a) agnoverat Nobiliss. virum scabie unguento sulphureo retropulsa aneurysmaticum evasisse. Nec silentio praetereundum est subitas tempestatum mutationes, frigus immodicum, calorem excedentem, aërem humidum, nec non nimiam aërei fluidi elasticitatem (b) aneurysma inchoare, vel jam inchoatum non nunquam augere. Ex Celeber. quoque RUISCHII (c) observatione aliquando eundem aërem in cordis cavis expansum haec aneurysmaticè distendere, innotuit.

XCIV. Hae sunt causae procatarticae, a quibus praecordiorum aneurysmata procedunt. In praesens illas enumerabimus, quae cuique istorum aneurysmati propriae sunt. Contusio igitur prout uno, vel alio loco facta fuerit cor, vel aortam descendantem, vel ascendentem aneurysmaticam efficiet. Polypi pariter, de quorum existentia nos non ambigimus, in arteria pulmonali latentes, & tumores vicinarum partium hanc comprimentes, vel haec

F 2

ipfa

(a) Epiſt. 17. artic. ultim.

(b) Uti egregie adnotavit Clariss. Michellotti in instit. Bonon. commentar. tom. 1. pag. 438.

(c) Hollerius cordis capsulam utris instar inflatam vidit, & Rhodius centur. 11. observ. 12. pulmones ita flatu turgentes, & inflatos observavit, ut omnem thoracis cavitatem implerent; quod Alexander Knips-Macoppe fieri posse etiam concedit sua in epiſt. de aortae polypo pag. 32.



ipsa arteria nimis rigida, vel angusta vel valvulae semilunares nimium durae, vel ossificatae, vel tartarea aliqua materia his adhaerens, pulmonum infarctus, quae omnia impediunt, quominus sanguis libere e cordis auricula dextera, & ejus ventriculo in pulmonalem arteriam ingredi possit, harum partium dilatationes gignunt. Ipsa arteria pulmonalis valde extensa, adeoque elastica, & contractili vi amissa, non valet sanguinem in pulmones propellere. Hinc requiritur, ut cor ipsum repetitis ictibus & contractionibus eundem sanguinem ultra aneurysma ipsum promoveat. Quare hoc jure, ac merito intra varicosi generis dilatationum causas enumeratur.

VC. Contra si recensitae causae aortam ipsam afficiant, tunc sinistrarum cordis cavitatum aneurysmata fient. Ex nimia aortae angustia cordis dilatationem exortam invenit MORGAGNUS (a). Quod jam in quadam Virgine notaverat Clariss. MECKELIUS (b). Animadversione dignum tamen est, sinistrarum cordis cavearum aneurysmata diuturnitate temporis idem vitium ventriculo dextero, ejusque auriculae inferre: Quo in casu sanguine diutius in pulmone detento, atque congesto, major obex a dexteri ventriculi contractione superandus erit; quod si addas, ventriculum dexterum caeteris paribus sinistro facilius dilatari (ipsa autopsia dexterum sinistro subtiliorem, ampliorem, & minus resistentem ostendit.), res facilius percipi poterit.

IVC. Clariss. LANCISIUS (c) asserit quod si impedimentum aliquod cursui sanguinis positum sit ad ostium aortae, non idcirco tamen dilatationem sinuum semper contingere in sinistris cordis cavis, sed juxta minorem fibrarum resistentiam in dextris plerumque solere. Nos autem hanc Clariss. LANCISII propositionem cum Sapientiss. MORGAGNO (a)

(a) Epist. XVIII. n. 4.

(b) In memoir. de l'Acad. Royel. de Berlin, ann. 1750.

(c) De Aneurys. in gener. prop. 53.



(a) distinguentes dicimus, si ad emissarium sinistri ventriculi obstaculum est, neque hic tamen, sed dexter magis dilatatus est, videbitur majus quidem robur, quam soleat obtigisse ventriculo sinistro, minus autem dextero, siue hoc a primordiis, siue postea quacumque de causa acciderit.

III. C. Aortae aneurysma generant tumores quicumque aliquo in loco ipsam arteriam comprimentes, polypi in ea congeniti, uno verbo, quidquid proxime, vel remote sanguinis libero circuitui per eam vel partes huic adnexas impedimento est. Obstructiones ergo viscerum imi ventris, spasticae diaphragmatis contractiones, quae ipsam arteriam constringere debent per ipsius diaphragmatis tendineum, foramen transeuntem: Omentum nimis pinguedine infarctum, & alia hujusmodi ad hanc classem merito referuntur. Hinc intelligimus, cur artifices, qui dorsum incurvare debent ad artem suam exercendam, cur litterati homines, qui siue legendo, & meditando, siue scribendo antea pectus flectunt, tam crebro aneurysmatibus afficiantur, ut constet ex MORGAGNI, aliorumque observationibus (b). Dum enim in istis hominibus corporis membra diversimode inflectuntur, & dum curvo corpore pectus inclinatur, omnia abdominis viscera vehementer comprimuntur, adeoque difficilis erit per inferiora sanguinis circuitus; quo circa aorta majorem resistantiam superare debet ad sanguinem per imi ventris viscera promovendum, hinc sensim ejus tunicas, etsi satis firmas expandendas, nec non disrumpendas esse, affirmamus, haec vero dilatata temporis progressu, & ventriculus cordis sinister dilatabitur, ut (n. vc.) relatum fuit.

III. C. Dilatationes autem arteriarum in uno potius loco, quam altero contingere propter earum flexiones, vel aliam peculiarem constitutionem, observationes, & ratio suadet. Ita facilius prope aortae arcum distensiones fieri, quam ali-

bi

---

(a) Epist. XVIII.

(b) Epist. XVII. & XVIII.



bi adnotavit MORGAGNUS (a), & simul rationem assignat. Clariss. FREINDIUS (b) etiam explicat, quomodo hoc eveniat, ubi ait, *certum est, aortam supra ejus flexionem facilius dilatari posse ob resistantiam eam, quae sanguini illic ex ejusdem curvatura opponitur, ex quo etiam in hac arteriae parte ut plurimum aneurysmata producuntur. At si ista in dilatatione tantum consistant, nullibi hanc facilius, quam in eo loco fieri posse credibile est.* Quod etiam elegantissime pro more suo explicat Sapientiss. MICHELOTTI (c).

IC. Ex his colligimus, primo frequentius arteriam aortam dilatari, raro vero Arteriam pulmonalem ob dexteri ventriculi debilitatem. Secundo saepe pulmonales venas aneurysmata contrahere. Tertio crebrius auriculas, quam ventriculos, & dexterarum cavitatum dilatationes frequentiores esse quam sinistrarum, quemadmodum docet SENACIUS (d). MORGAGNUS e contra cum ex suis tum aliorum observationibus *plura ventriculi sinistri, quam dexteri se invenisse, & legisse aneurysmata prodidit (e).* Sinistrae autem auriculae non multa. SENACIO ergo, an MORGAGNO assentiendum sit? Decernere non audeo.

## CAPUT

---

(a) In advers. 2. animadvers. 41.

(b) In Histor. medic. loc. jam cit.

(c) Jam cit. differt.

(d) Lib. 4. Cap. 4. n. 2.

(e) Epist. xviii. n. 5.



# CAPUT V.\*

47

## *De signis in genere praecordiorum aneurysmata indicantibus.*

**I**Nter illa, quae difficiliorem, obscurioremque scientiam medicam reddunt, primum tenet locum hujusmodi morborum diagnosis. Siquidem nondum cognitum est verum, & pathognomonicum signum, quo haec mala a caeteris omnibus certo distingui possint. Quare mihi vitio vertendum non erit, si hanc ad illam evidentiam non reducam, quam flagranti animo optaveram. Satis igitur erit, si clariora, constantioraq. signa a Doctiss., & Diligentiss. viris his in malis observata eo ordine referam, ut illorum idea clarior, quoad fieri potest, reddatur.

CI. Ut vero minus difficultatis medico occurrat in istiusmodi morbis indagandis, cum ALBERTINO (a) manum ad thoracem, vel ad eum locum, in quo vitii suspicio est, applicandam esse, commendamus; tunc enim quemdam insuetum motum manu percipies, vel cum, vel sine pulsatione, vel etiam vix aliqua. Ut plurimum motus, qui conjunctam habet insolitam, diu durantem, & cum vibratione, ictuque micantem pulsationem, distinguitur in simplicibus aneurysmatici generis, ut notat ALBERTINUS, dilatationibus, totius cordis scilicet, aut auriculae, & ventriculi sinistri, aut Aortae, aut subclaviarum, carotidum, axillarium, aut aliarum ab aorta descendente prodeuntium: motus vero, qui absque tali pulsatione est, aut fere insensibilis adest, plerumque dilatationes varicosi generis indicat, idest caudicis venae cavae, auriculae, aut ventriculi

---

(a) Cit. lib. pag. 382.



culi dexteri, aut arteriae, & venae pulmonalis, aut venarum subclaviarum, jugulariumque. Hanc itaque observationem (quamquam certa lege innixa non sit, ut pluribus de causis, dilatationis nimirum gradu, magnitudine, & figura, loci varietate, complicatione, temporis, aliarumque rerum ratione mire variari interdum non possit) his in morbis dignoscendis perutilem esse asserimus.

CII. ALBERTINUS enim (a), qui hosce motus variis a causis interturbari posse, agnoverat; nihilominus *pulsationem* supra memoratam, *in cognitionem fere certam deducere vitiorum generis aneurysmatici* dixit, ipsamque tam valide micare, ut costas, & sternum in magni tumoris speciem elevet, illasque etiam saepe perfringat. Sciendum tamen est, hanc ipsam pulsationem, aut sane modicam, aut valde minorem ALBERTINUM comperisse, *ubi substantia cordis a basi ultra medietatem ipsius consistentia, & colore quasi tendinea, aut flaccida nimis evaserit, vel ubi parietes dilatatae arteriae praeter modum crassiores redditi aut oblongum, & veluti fornicatum concreti, & polyposi sanguinis aggerem intra se nacti, aut cartilaginea osseave intrinsecus tunica fuerint omnino obducti.* Quod postremum ubi accidit, cognosci poterit, si pulsatio olim praecesserit, diuque perstiterit, & inde paulatim elanguerit, meliusque inde Aeger se habeat. Quando vero sine hac causa pulsatio, & pulsus obscuriores, debilioresque evadunt, tunc vires deficere, ac mortem appropinquare, perspicuum est.

CIII. Quo facilius cognoscimus vitia, quae ad aneurysmaticorum genus spectant, eo difficilius, quae ad varicosorum genus retulimus dignoscuntur, & inter haec difficilioris indaginis esse, quae motum non modo (n. ci.) pulsationis dictae expertem, sed & levem admodum edunt: aegrius vero, quae eundem motum profundum, confusum, & obscurum habent, omniumque aegerrime, quae nullum, aut vix ullum ejus indicium praebent, cum

AL-

---

(a) Eod. loc. n. 101. cit.



CIV. Sedulo inquirendum est, quibusnam morbis aeger antea obnoxius fuerit; postea examinandum, quaenam causae evidentes antecesserint, praesentemque morbum probabiliter induxerint: his autem cum illis comparatis, quae aneurysmata inferre (n. lxxv. usque ad xc.) adnotavimus, de istorum praesentia, aut absentia jure suspicari poteris.

CV. His praemissis, si pulsatio non valida admodum sit, sed modica, aut longe minor, quam vitii magnitudo ferat, aut loci conditio, puta sub sternum, eam minus manui sensibilem reddit. Tunc digitorum extremitates juxta asperae arteriae latera altius quoad fieri potest ad jugulum, & sub claviculas adigendae sunt, eodemque temporis momento carotidum motus, aut venarum jugularium undulationes intentis oculis accurate lustrentur; idque repetitis vicibus a scalarum, locorumque acclivium ascensu, a pastu, & post tussim, vociferationes, animique contentiones, ne ea Clinici diligentiam, sagacitatemque effugiat.

CVI. Ut aegrotantium examen minus mancum sit, inquirendum superest, an motus manu perceptus a naturali recedat, nec ne, & quali quantoque recessu; praeterea ubi sit, an in propria cordis fede, an in vicinia; an pars pulsans suam fervet naturalem diametrum, an vero majorem amplioremque exhibeat, quae difficilius patent, si aneurysmata in pectore contenta sint; si vero extra hoc morbi sedes fuerit, tunc costae impedimento exploranti manui esse non possunt; at probe considerandum est, & facile anatomes bene perito perspectum fiet, num diametros arteriae aucta, an vero secundum naturam sit. Hinc coeliacae, & aortae dilatatae diagnosi eruitur.

CVII. Illis, quae (n. c. usque ad cvi.) diximus accuratissime indagatis, observatisque vel aliqua signa reperiuntur anevrysmatici, vel varicosi vitii genus indicantia, vel nulla; si aliqua confirmari, si nulla suppleri posse aliis, quae aliunde



50  
derivantur, cum ALBERTINO dicimus, e pulsum scilicet  
rythmo, magnitudine, aut parvitate, tensione, aut mollitie, vi-  
bratione, tarditate, frequentia, inaequalitate, idque dupli-  
ci ratione, vel quoad numerum pulsationum, vel quoad  
earum magnitudinem, intermissionem, vel alio quocum-  
que modo a naturali aegrotantis consuetudine sine manife-  
sta causa deflectente, & non sine aliqua constantia super-  
veniente: e respirationis vitio, si ejus actio scilicet, vel  
modus plus minus laedatur, e motu plus minus concitato,  
vel ab accliviorum locorum ascensu, & sensu aliquo aut  
ponderis, aut levis doloris, vel ardoris cordis regionem  
saepe infestante; ac praesertim si cordis inordinati, irregu-  
laresque motus, & palpitationes praecefferint, aut concur-  
rerint: e decubitu, & somno in utrovis latere saepius in  
sinistro pro more non facili: e somni, & in primis inter  
ejus initia interruptione, & leni aliquando se movendi, re-  
sidendique necessitate: suppetit etiam si patiens in cibo som-  
noque capiando antrorsum, & in pectus se se inclinare lu-  
benter incipiat (quamquam aliquando contrarium exoptet,  
( ut n. cxxxxiv. videbimus ) in quem deinde positum eo  
magis impellitur, quo magis augetur proceditque morbus,  
ac demum si magnis ad stomachi regionem molestiis sum-  
mopere divexetur.

CVIII. Perpendendum tamen est respirationem incipiente  
morbo vel paulo post ejus initium non laedi, nisi post con-  
citariorem motum, aut modice tantum vitari, ac inter  
somnum plerumque aliquam primum permutandi lateris,  
aut residendi necessitatem induci: ingravescente vero mor-  
bo dyspnoea & ipsa increfcit, immo saepius leviorique ex causa  
aggreditur, & interdum miseros aegros extemplo quasi  
praefocat. Aneurysmata enim in thoracis cavo contenta  
eujusvis generis sint, propria mole pulmones comprimunt,  
sanguinisque per eos circuitum pervertunt, deturbant, de-  
pravantque, aliquando etiam diaphragma ipsum praegra-  
vant, sicque pro diversa eorum magnitudine & loco nunc  
dyspnoeam, orthopnoeam, vel apnoeam progignunt. Qua-  
re



re Clariss. BONETTI, LANCISII, VALSALVAE, MOR-  
GAGNI, SENACII, LIEUTAUDII, aliorumque observatio-  
nibus innixus ( quamvis me non fugiat unam, vel alteram  
historiam extare, in quibus praecordiorum aneurysmata abs-  
que difficili respiratione detecta fuisse narrantur, ut videre  
est apud MORGAGNUM (a) ) Nunquam respirandi difficul-  
tatem in praecordiorum aneurysmaticis vitiis abfuisse con-  
tendo. An ergo pathognomonicum signum? Negative res-  
pondemus.

CIX. His enim morbis tantum proprium non est, ut  
requiritur ad verum pathognomonicum signum alicujus ma-  
li constituendum, sed in hysterica, vel hypochondriaca  
affectione, in pulmonum inflammatione, in empyemate, in  
hydrothorace, hydrocardia, catarrhis, aliisque in morbis  
observatum fuit: nihilo tamen secius si suspicio, & causae  
istorum morborum absint, non leve de aneurysmatum in  
praecordiis praesentia indicium erit.

CX. Omnem cordis inconditum motum, aut pulsus,  
respirationisque laesionem non semper praecordiorum vitia  
indicare nos admonent affectiones hystericae, hypochon-  
driacae, chlorosis ex non respondentibus mensibus, na-  
turalis cordis amplioris vis, aut pectoris angustior capa-  
citas, vel ab ortu prava thoracis constructio, aut  
pulsus naturaliter inaequalis, aut intermittens, & prae-  
sertim in pueris, senibus, & podagra confirmata laboranti-  
bus, aut imminente ipso podagrico insultu, in quibus si  
febris superveniat naturalis evadere solet, sicut a naturali  
in intermittentem in febribus mali moris, aliisque morbis, abs-  
que ullo organico vitio vertitur. Quod etiam evenit, sed  
non aequali cum intensitatis gradu ob malam sanguinis dys-  
crasiam.

CXI. Cum autem haec signa, vel omnia, vel plura con-  
currunt, & diu, constanterque perseverant sine alio mani-  
festo pectoris morbo, si non omnino, & speciatim, at non

G 2

levi-

---

(a) Epist. xviii. artic. 15.



leviter saltem de nascentibus praecordiorum vitiis, vel jam natis nos monere possunt, *eoque magis* inquit ALBERTINUS (a) *si quis ipsis aliae veluti remotiores notae adjungantur*. Si dolor rheumaticus, ad superas thoracis partes, ad humeros, ac ab his ad medietatem usque unius, vel alterius brachii, vel utriusque persentiat, & ad homoplatas, & praecipue dexteram, cui interne respondere agglutinationem magni aneurysmatis cum pleura, nec non costis inibi attritis idem conspexit ALBERTINUS.

CXII. Ne vero ex relatorum signorum praesentia, vel absentia ipsos aegros aneurysmaticos esse, vel non, festinantur nimium judicemus, cum Clariss. HAENIO (a) animadvertere oportet, dari in corpore humano causas aneurysmatum validas, immo aneurysmata ipsa interna magna citra sui indicia, alios potius morbos, quam haec mentita, quod binis observationibus confirmat (b).

CXIII. Quare operae pretium duco, praecipuas enumerare infirmitates, quibuscum facile aneurysmata confunduntur, simulque signa indicare, quibus haec ab illis distinguere possunt. Hydrothorax igitur non raro multa praefert symptomata aneurysmatum praecordiorum propria, verum pectus aqua non obrui ex sitis, tussis, & febriculae defectu & ex nulla sensibili aquarum fluctuatione a corporis variis commotionibus orta, & ex eo, quod nullum levamen ab hydragogis, & sudoriferis aegri habeant, & urinae nec crude, nec lixiviosae sint, nec extremitatum oedema, pulsusque duri deficient, jure inferimus.

CXIV. In pulmonis hydrope difficiliorem, gravio-remque respirationum esse quam in hydrothorace sapientiss. cum ALBERTINO affirmamus. Serum enim in thoracis cavitate stagnans, dummodo purum & limpidum sit, magnam spirandi difficultatem non inducit, nisi utramque  
pecto-

(a) Cit. jam differt.

(a) Rat. med. part. 7. cap. 2. §. 34

(b) In eoq. libr. §. 3. & 4.



pectoris cavitatem impleat, vel alterutram sic, ut alterius etiam magnam partem inundet. Si vero stimulantis naturae fuerit, eandem ita difficilem reddit, ut aeger prae anxietate decumbere nequeat, etiam si parva in quantitate in ipsius pectoris cavo colligatur. Quando id evenit ex levi, sed frequenti, ac potius sicca tussi dignoscitur. Pulmonis hydrops (quamvis raro in cadaveribus observetur, quia levi negotio in hydropem pectoris transit, nec non tam per alvum, & urinas, quam per sudorem judicatur.) quando jam altiores radices egerit, cum HIPPOCRATIS descriptione congruere debet: ait enim (a): *Si hydrops in pulmone sit, febris, & tussis tenet, & acervatim respirat & ungues contrahuntur, & patiuntur talia, qualia quis suppuratus sit. Et si multo tempore aure ad latera adhibita audire tentaveris, ebullit intrinsecus veluti acetum, & haec quidem aliquando patitur, postea erumpit ad alvum, & statim quidem sanus esse videtur.* Adde quod hujusmodi morbo affecti nisi fere erecta cervice ob auctam spirandi difficultatem somnum capere non audeant, prout HEREDIA (b) se vidisse refert in quodam viro, qui noctu suffocationis invasiones sic pertimescebat, ut mallet vigiliis perpetuis consumi, quam ad dormiendum se recolligere. Hos autem gravissimos in somni initio insultus inter pathognomonica hujus morbi signa recensuit RIVERIUS (c). Quare si per cathartica vel sudorifera, vel diuretica remedia oedema demptum sit, vel cujuscumque generis pulmonalis infarctus causa, nihilo tamen fecius spirandi difficultas cum pulsu inordinato, & inaequali remaneat, tunc merito de aliquo praecordiorum vitio suspicio erit.

CXV. Pericardium quoque tumore aliquo obsessum (d) vel hydropse laborans (quidquid in contrarium habeat

DIO-

---

(a) Lib. 2. de morb.

(b) Disput. 6. de morb. diff. cap. 4.

(c) Pra. med. lib. 7. cap. 5.

(d) Rondelerius de digno. morb. cap. 10. Palpitationem, &c



94  
**DIOMERBROCKIUS** (a). Nam **RIOLANUS** (b) & **TULPIUS** (c) palpitationem cordis a pericardii hydrope excitatam fuisse viderunt; Et **CAROLUS PISO** (d) in quodam palmo, & dyspnoea laborante plures aquae libras in pericardio invenit) cordis motus depravat, respirationem afficit ita, ut tam facili negotio distinguere non possimus, utrum haec symptomata a pericardii vitio, an vero ab aneurysmatibus praecordiorum deducenda sint. Pericardii hydropem cognoscimus, si praeter signa, quae hydrothoracem indicant, & n. cxiii. & cxiv. numerata sunt, dolorem, & oppressionem in cordis regione, fluctuationesque aegri percipiunt. Haec omnia quamvis non raro & in ipso hydrope pectoris observata fuerint, attamen & rarius haec contingunt, & minori in gradu, & valde intermittentia deprehenduntur. Suffocationes autem constantes, fluctuationes, tussim siccam, cubandi difficultatem praecipua esse signa, quibus internosci possit pericardii hydrops a cordis vitio, Clariss. **SENACIUS** (e) adnotavit. **GALENUS** (f) vero cum cordis systole, & diastole a pericardii hydrope vitiantur, palpitationem oriri dixit *quadam cum significatione quod ipsum in humore moveatur*: Hoc etiam observavit **HERCULES SAXONIA** (g) in quodam Veneto, qui sibi Cor quasi in aqua natare videri, dicebat. Nec non ipse

---

sufficulam a tuberculo circa pericardium excitatam narrat; & ut Petrum Salium de curat. morb. ab. &c. cap. 7. aliosque omittam Zacutus Lusitanus prax. admir. lib. 1. obser. 128 ter morbum hunc sequentibus stipatum symptomatibus vidit. Hi inquit *animi deliquio, cordis palpitatione, pulsu duro parvo, nulla praecedente valetudinis causa, syncope oppressi vitam ducebant, & accedente febricula consumpti sunt.*

(a) Anat. lib. 2. cap. 5.

(b) Med. part. 5. sect. 1. tom. 2.

(c) Obser. med. lib. 2. cap. 26.

(d) De il. ser. sect. 3. cap. 11.

(e) Lib. 4. cap. 6. num. 6.

(f) Lib. 5. de loc. affec. c. 2.

(g) Praelec. pra. p. 2. cap. 1.



ipse JO: FORTIS (a) in alio homine confirmavit, qui fluctuationis sensum perſentiebat, ac ſi cor aquae innataſſet cum pulſus lenitate, ac mollitie, & quadam aſſidua ſpiritus coarctatione, cordis tremore, vel jactatione. Talis vero ſenſus, ſi fides SENACIO habeatur, omnimode valde dubius eſt, utcumque realis eſſe poſſit. Multum quoque lucis aſſert ad hydrocardiam diſtinguendam pulſuum conditio. Hos parvos, debiles ſaepe raros etiam eſſe, repetitae clinicae obſervationes Clariff. Praeceptoris meo BORSIERI oſtenderunt; cum contra in aneurysmatibus, magni fortes, crebri eſſe ſoleant.

CXVI. At quiſnam polypos ab aneurysmatibus praecordiorum certe, & tuto diſcriminare par erit? Re quidem vera ſummo cum medicinae dedecore fatendum eſt, vera pathognomonica polyporum ſigna adhuc deſiderari. Indicia enim, quibus hi ſtipantur, hydrocardiae, hydrothoraci, iſtis aneurysmatibus communia ſunt. Praecipua vero quae in polypis obſervavit MALPIGHIVS (b), ſequentia dicuntur: *praecordiorum anguſtia, pulſus vibratus, & intermittens, vasa in jugulo dilatata, frequens animi deſectus, brachii torpor, pulſus obſcuritas in eodem, & in ſterno ſpasmoticus dolor.* His ſimilia recensuit HOFFMANNUS, ubi (c) polypi, ait, *initium arguit compreſſio peſtoris, & fixus circa cor dolor.* Si vero jam incrementum caepit, praeter haec frequentius, vel levi de cauſſa recurrit cordis palpitatio, pulſus variis modis inaequalis, & varius eſt ſaepiuſque notabilibus intervallis intermittit. Tum a motu corporis fortiori, vel medicamento ſanguinem exagitante ſumpto, ab affectu animi vehementiori, dyspnoea, & incredibilis cordis anxietas urget. Poſtremo lipothymiae frequentia ſine cauſſa evidente, vel quae a certo corporis decubitu provenit, eſt in ſignis polypis praecipuis commemoranda. Non ne haec aneurysmati praecipue

---

(a) Conſil. cent. 2. conſ. 46.

(b) Oper. poſth. p. 44.

(c) Med. Rat. Syſt. t. 3. ſect. 5. c. 7. §. 44.



pue iaccato, apprime conveniunt? Nihilo tamen fecius pulsus inaequalitatem, praesertim si constans sit, & diu perseverans, cum cordis angore, tremore, & difficili respiratione non leve polypi indicium esse Sapientiss., recentioresque Medici testantur. Ne vero ex his polypum abesse, vel adesse, nimis temere credamus, scitu necessarium est, non raro sine ullo ex enumeratis signis veros polypos in cadaveribus invenisse Auctores fide degnissimos, & contra omnia observata fuisse viventibus in hominibus polypi symptomata, & factis eorum cadaverum sectionibus ne quidem polypi vestigium apparuisse (a).

CXVII. Monuisse tandem sufficiet tubercula, & potissimum cruda, convulsiones, hystericas, & hypochondriacas affectiones, flatus, tumores prope arterias natos, vermes quoad symptomata tam bene aneurysmata simulasse, ut Medici quamvis exercitatissimi interdum decepti fuerint. In tanta vero rerum ambiguitate non parum lucis obtinebimus ex accuratissimo causarum praecedentium examine. Si enim illae ejusmodi sint, quae motum cordis fregerint, & sufflaminarint, aut sanguinis e corde egressum impediverint; uti syncope, lipothymia gravior, pavor ingens, moeror diuturnus, & similia, atque hinc memorata phaenomena supervenerint, desint contra aliorum morborum causae, cur de polypi praesentia non erit pronuntiandum?

CA-

---

(a) Vid. PASTA epist. 2. de Cord. Polyp. in dub. revocat. n. 4. & seq.



# CAPUT VI.

57

## *De peculiaribus cordis dilatati signis.*

**CXVIII.** **A**pparentibus in homine aliquo genericis praecordiorum aneurysmatum signis; si Cor aneurysmaticum sit, manu sinistrae mammae admota ejus ictus non ibi tantum distinguitur, sed latius, quam cordis naturalis magnitudo postulat, ad sternum, & ad latera undequaque extenditur, & ita ejus pulsationes confunduntur, ut ad certos, determinatosque numeros redigi fere non possint: immo illud percipimus, quod perciperemus, si toto pectore, nimirum a jugulo ad scrobiculum cordis, ac ad ejus latera etiam demissiora plura quasi corda simul, & sine ordine subsilirent, & id quidem pro varia aneurysmatis magnitudine, figura, & crassitie.

**CXIX.** Quicumque corporis motus, animique affectiones anhelationem, graviolemque spirandi difficultatem, & molestiorem cordis palpitationem excitant. Insuper aegrotantes in sinistro thoracis latere, ubi dolor ut plurimum, & pondus, vel ardor esse solet, diu decumbere interdum non possunt; subinde enim pectoris oppressionibus, anxietatibus orthopnoeis, ac animi licet levibus deliquiis, corripuntur, quae mala tum a corde mole nimis aucto, & pulmones praegravante, tum a compressione nervorum cardiacorum, tum demum ab hujusmodi positu oriuntur, qui sanguinis ingressui, vel egressui e cordis cavis impedimento est. Quandoque tamen facilius, commodiusque spiritum ducunt, alimentaue deglutiunt corpore ad anteriora converso, quia cor tota gravitate tunc sterno incumbit, hinc tollitur causa, quae pulmones, vel asperam arteriam, & oesophagum comprimendo, respirationem, ciborumque deglutitionem difficilem reddit.

H

CXX.



**CXX.** Pulsus vero plerumque magnus, durus, vehemens, vibratus, ac ab initio rarus, deinde item durus, sed celerior, & inaequalior est, ut in vivente sene, in cujus cadavere *cor magnum praetermodum* dexteramque auriculam *dimidiatum cor* aequantem observavit Clariss. VALSALVA (a). Interdum tamen naturalis esse potest (quod potissimum notatum fuit in dilatationibus generis varicosi, ut n. CXXIII. videbimus) ut idem Auctor adnotavit in sexagenarii cadavere, qui cor magnum, ejusque auriculam dexteram ita expansam habebat, ut *ingens aequaret marsupium* (b). Quin etiam parvus, exilis, intermittens, (c) sed tunc extenuatio quoque cordis parietum, aut nimia flacciditas, aut aliud vitii genus, aut nerveae vis imminutio cum his conjungitur. Quam parum igitur in hujusmodi morbis soli pulsui fidendum est?

**CXXI.** Non raro cor ipsum descendit, atque diaphragma (d), & ventriculum ipsum inferiora versus detrudit, maximasque circa gastricam regionem molestias, tumoresque procreare solet, & tunc *cor* vere *prolabi* dicitur, ejusque pulsatio in hypochondrio in primis sinistro percipitur. Hic monere praestat, cordis pulsationem cum aortae ictibus confundendam non esse. Quando enim haec dilatata est, ejus pulsus in stomachi regione manifestantur, neque minus sensibiles sunt, quotiescumque hoc vas nimis turgescat, vel sanguini circumducto aliquis obex opponatur; Saepe etiam cordis prolapsi pulsationem in epigastrio sic sentimus, ut aliquando a medicis pro caeliacae pulsatione habeatur, nescio, quonam innixis principio, quia caeliaca sufficienti vi micare non valet, ut manui ventri appositae sensibilis evadat, excepto tantum casu, in quo enormiter di-

---

(a) Morg. epist. 17. articl. 6.

(b) Ead. epist. articl. 8.

(c) Ead. pariter epist. articl. 25.

(d) Vid. Petr. Marchetti obser. chirurg. obser. 49. & miscell. N. G. decad. 1. tom. 4. obser. 40.



dilatata sit, quod rarissime accidit. Quare pulsationes, quae in hypochondrio sinistro perſentiuntur a corde prolapſo cum SENACIO pendere affirmamus (a).

CXXII. Nec omnia adhuc enumerata ſymptomata una ſimul requiruntur ad cordis aneurysma indicandum; ſufficit enim ſi praecipua occurrant, quae juxta Clariff. SENACIUM erunt valida cordis palpitatio, ejus continuatio, ac facilitas violentas pulsationes renovandi, quibus adde non ſolum ſpirandi difficultatem, quam nunquam abeſſe diximus (n. CVIII.), verum etiam deliquia. Atque haec ſigna certiora erunt, ſi manibus cordis maſſam ſentimus ipſas coſtas valide percutientem. Idem SENACIUS in nobilis Matronae cadavere, quae cordis palpitationibus orthopnoeae, & lipothymiis jam vixerat obnoxia, cor naturale majus detexit, auriculam dexteram ſcilicet, quam maxime dilatatam, & a naturali forma degenerem. MORGAGNUS in juvenis cujuſdam cadavere, qui de pectoris anguſtia, & magno pondere querebatur, pulſusque in utroque carpo ſenſibiles non erant, vidit cordis ſtupendam molem. Verum otio abutentis eſſet, ſi alias huc referre vellem obſervationes, ex quibus nunc unum nunc alterum ſignum, nunc plura ſimul in aneurysmate affectis adnotata fuiſſe colligimus; cum illae infinitae pene ſint apud LIEUTAUDIUM (b) ex quo & nos binas relatas deſumpſimus, nec non apud MORGAGNUM (c), BONETUM (d), LANCISIUM (e), MANGETUM (f), alioſque.

H 2

CA-

---

(a) Lib. 4. cap. 10. n. 7.

(b) Hiſtor. anat. med. rom. 2. ſect. 2. de Cord. obſervationes

(c) De ſed. & cauſſ. morb.

(d) Sepulcr. anatomic.

(e) De mot. Cord., & aneurysm.

(f) Bibl. med., & Chirurg.



## CAPUT VII.

*De Signis, quibus dignoscuntur varicosi  
generis dilatationes.*

CXXII. **I**N dilatationibus generis varicosi pulsum plerumque magnum, ac aequalem esse, dummodo aliae morbosae affectiones his non adjiciantur cum LANCISIO, ALBERTINO, & MORGAGNO existimamus; nec ipsi adversamur ALBERTINO, qui cordis oppressiones, animique defectiones in hujusmodi facilius, quam in aneurysmaticis vitiis observari asserit; optimisque rationum momentis ostendit (a).

CXXIV. Clariss. LANCISIUS tanquam pathognomonicum signum auriculae, vel ventriculi dexteri praeter naturam dilatati ponit venarum jugularium pulsationem, sive fluctuationem: ex dilatatione enim istarum partium sequi docet (b), orificium scilicet utrique interjectum, valvulis tricuspidalibus caeterum munitum ita dilatari, ut iisdem valvulis nimium diductis, sanguinis portio ventriculo se se contrahente per earum rimas in venam cavam repellatur, unde venarum jugularium conspicua dilatatio, & mox eodem ventriculo relaxato par constrictio alterne contingat. Haec autem pulsatio eodem monente auctore continua sit, oportet, etiam dum aeger decumbit, & nullo motu, vel animi affectione divexatur. His positis, si haec pulsatio virum, vel mulierem corripit, caeteroquin optime valentem, diuque perseveret cum reliquis dilatatorum cordis cavorum signis medicum illas partes dilatatas esse, tuto pronunciare posse Clariss. vir ibidem scripsit (c).

CXXV.

---

(a) Citat. lib. pag. 389. & 390.

(b) Prop. 57. (c) Eod. loc.



**CXXV.** Cum vero Clariss. **MORANDUS** (a) a polyposa sanguinis concretionem in dextera cordis auricula genita, jugularium pulsationem quadam in femina vidisset, & Doctiss. **PASTA** (b) duorum hominum cadavera se secuisse narret, qui non nullis ante obitum mensibus hac venarum colli pulsatione laboraverant, quorum alter dexterum cordis ventriculum duplo majorem exhibuit..... in altero adeo dilatatus apparuit, ut residere in eodem aliud molis ordinariae cor haud difficulter potuerit. Nec non alibi (c) aliam referat observationem huc spectantem; hinc & nos cum Clariss. **MORGAGNO** arbitramur (d) signum a **LANCISIO** propositum saepius quidem indicare ventriculi dexteri dilatationem, interdum vero non hanc indicare, sed vitium tamen aliquod, cujus aut sedes in cavis dexteris cordis sit, aut effectus attineat, sic, ut circumitio sanguinis, per dexteram cordis partem secundum naturam non perficiatur.

**CXXVI.** Hoc autem signum in chloroticis, & etiam in gravidis interdum occurrit; quare **LANCISIUS** in virginibus chlorosi affectis pulsationem hanc tunc praecipue observari, cum ob locorum acclivium ascensum sanguinis reditum per venas in cor augment, in illis vero, in quibus haec cavitates distentae sunt, perennem esse hanc jugularium fluctuationem merito scripsit. Si vero a graviditate pendet, post partum mox evanescere debet; quod si perseveret, de corde dilatato merito suspicabimur. Chloroticae pariter si eadem fluctuatione absque ullo corporis motu detineantur, atque haec post martialia, & viperina adhibita remedia diu perduret, hujuscemodi dilatationem cum **LANCISIO** criminamur.

**CXXVII** Ut recte hoc signo uti possimus animadvertendum in primis est, ne forte pro pulsatione venarum  
ju-

(a) *Memoir. de l'Acad. des sciences ann. 1732.*

(b) *Epist. de polyp. cord. etcet. n. 9. pag. 33.*

(c) *N. 13. ejusd. lib. pag. 55.*

(d) *Epist. xviii. artic. 10.*



jugularium alterna tantum quaedam earum intumescencia habeatur, quae violentae inspirationi, expirationique respondeat, utpote VALSALVA, & MORGAGNUS (a) in canibus adnotarunt, quod levi negotio cognoscitur, si attente consideres, utrum inspirationum, an vero pulsuum numero magis consona sit: postea inquirendum est ne forte pulsationem, quam carotides suis validis vibrationibus, interdum ipsis jugularibus imprimunt, pro earum vera pulsatione assumatur, quod signis a Clariss. MORANDIO, & MORGAGNO indicatis distingui posse sustinemus. Quorum ultimus nos monet, quod si carotidum pulsatio jugulares venas alterne elevet, *non ipsas tantum venas, sed & partes colli proximas simul attolli, quae carotidibus e regione magis respondent* (b). Prior vero (c) venas jugulares a carotidibus distingui posse scribit, si harum extrema sede, & parietum mollitie consideratis, atque digito his applicito, pars vasis, quae infra hunc erit, juxta sanguinis circulationis leges detumescit, quae supra, inflatur, & in tumorem attollitur: quod si haec jugularium pulsatio, & confusio cum cordis angore, palpitatione, aliisque signis (n. cxxiii.) allatis conjungatur, tunc certius dexterorum cordis cavorum dilatationes indicantur.

CXXVIII. At cum ex anatomico-medicis observationibus venas jugulares pulsare, ac fluctuare modo auriculae dexteræ, modo ejus ventriculi vitio posse compertum sit, hinc Clariss. MORGAGNO (d) duce has internoscere licebit, si obtutu in jugularibus fixo simul digitis arteriae, aut temporum, aut carpi admotis, evidenter cernes, eodem temporis puncto venas illas se attollere, quo pulsare senties arteriam; a contractione ventriculi dexteri hoc in casu illas micare intelliges: sin contra, non ab hujus, sed  
a cor-

---

(a) Epist. xix. artic. 33., & 34.

(b) Epist. xviii. art. 11.

(c) Loc. n. cxxv. cit.

(d) Epist. nuper cit. artic. 12.



a contractione auriculae adnexae.

CXXIX. Verum quisnam dilatationes varicosi generis, quando nullum, aut vix ullum motus vestigium praefecerunt, a pericardii nimia crassitie, vel ejus cum corde agglutinatione certe distinguere par erit? Nam ipse ALBERTINUS his in morbis dignoscendis exercitatissimus in quodam Principe signa adnotavisse fatetur, quae organicum varicosi generis vitium indicare videbantur, dum tamen in ejus cadavere vitium in pericardio invenit. Exinde concluditur, vitiorum pericardii notas ambiguas, nec non aliarum partium morborum affectionibus communes esse, si tantum demas cordis perturbatum motum, qui in pericardii vitiis non raro observatus fuit. Quare optime animadvertit ipse ALBERTINUS (a) prudentis medici esse semper dubitare, *is ne sit ob vitium pericardii, an potius ob vitium alicujus ex iis partibus, quae sub eodem, & intra idem sitae ab ipso non ita cohibentur in suis motibus, quin hi sensibiles appareant.*

CXXX. Cordis pulsationes in hypochondrio sinistro non raro se se manifestare (cxxx.) jam monuimus: nunc silentio praetereundum minime est, aliquando in dextero thoracis latere cor ipsum micare, hinc medicos deceptos fuisse, qui ex hac pulsatione aneurysmaticas arterias intercostales judicaverant. Hieronymus CARDANUS (b) cor in dextero latere pulsare, ut plurimum lethale esse dixit: *innuitur enim inde cordis quasi dislocatio, & in dexterum latus detrusio, vel magnum quid, quod languente sinistro ventriculo dexter propellere annitatur.* Hoc autem tribus historiis comprobat. Ipse BONETUS (c) anniculum puerum vidit, cui ab abscessu in sinistro thoracis latere, cor ad dexterum latus fuit detrusum, in quo pulsus deprehendebatur, qui & non multo post tabidus interiit. An semper pul-

---

(a) Citat. disert. pag. 385.

(b) Vid. Bonet sepul. anat. lib. 2. sect. 2. schol. in obser. 24.

(c) Eod. loc.



pulsatio haec funesti exitus praeludium erit? Clariss. GUIDUS PATINUS, & MOLLEMBROCKIUS (a) hos naturae ludos in cadaveribus observaverunt absque evidenti causa, quae cor e propria sede remove potuerit. RIOLANUS (b) CATHARINAE MEDICEAE LUDOVICI XIII. REGIS CHRISTIANISS. MATRI, & cuidam quadragenario viro, dextrum thoracis latus pulsasse, absque ullo sanitatis & vitae detrimento notat. At RIOLANI observationes de parvi aneurysmatis dexteræ auriculæ, vel ejus cordis ventriculi praelentia suspicionem omnem non adiungunt. Novum enim non est, ut & nos (n. cxi., & cxii.) diximus, nunc unum vel alterum signum tantum apparuisse in aneurysmaticis præcordiorum vitiis. His adde Clariss. LANCISI (c) observationes, qui pulsationem hanc cum dexteræ auriculæ, ejusque ventriculi dilatatione conjunctam in Proavo, Avo, Patre (d) & Filio observavit.

## CAPUT

(a) Ut refert Senacius lib. 4. cap. 10. n. ultim.

(b) Vid. Bonet nuper cit. loc.

(c) De aneurysm. in gen. cap. 6. prop. 47.

(d) Juvat animadvertere Patrem adhuc in vivis fuisse cum Lancisius has observationes publicaverat.





# CAPUT VIII.

*De Signis, quae ad auriculae sinistrae,  
ejusque ventriculi dilatationes  
spectant.*

**CXXXI.** **S**i signa absint, quae cordis dextrorum cavorum dilatationibus propria sunt, adsint vero, quae cordis aneurysmatibus in genere communia esse ( n. cxviii. usque ad cxxii. ) enumeravimus, tunc merito de sinistrae cordis auriculae, vel ejus ventriculi dilatatione suspicabimur: quod clarius erit, si causae praecesserint, quae potius sinistri ventriculi dilatationi favent ( n. vc. ), & defuerint, quas dextera cava apprimere dilatare aptas esse ( n. vic. ) diximus.

**CXXXII.** In his igitur respiratio difficilis magis est, promptiusque se se manifestat, quam in varicosi generis dilatationibus. Hoc ex eo patet, quod si sinistra auricula vel ejusdem ventriculus dilatatus sit, tunc venae pulmonales difficiliter deplentur: istae enim cavitates nimis distentae propriam, & naturalem contractilem elasticamque vim amittunt, quapropter contentum sanguinem lente ultra propellunt; hic igitur in pulmonibus plus justo restiter necesse est, unde anxietates, spirandique difficultates oriuntur; insuper hae caveae ob proprium positum facilius mole sua pulmones comprimunt, eorumque dilatationem quodammodo impediunt.

**CXXXIII.** Pulsus nunc inaequalem, vel intermittentem, nunc parvum, nunc debilem, nunc frequentem, nunc rarum esse ex ipsis auctorum observatis inferitur: praeterea hujusmodi morbo laborantes non adeo facile animo inquantur. Pulsatio quoque ad cordis regionem tum va-  
lida



lida, tum crebra est, attenteque pulsationis loco confiderato cognoscitur, utrum haec a corde, an vero ab arteria aorta dilatata pendeat, dummodo haec dilatatio in ipsius cordis vicinia non sit, quo in casu difficile, ne dicam, impossibile iudicium erit.

CXXXIV. Huc quoque illa transferenda sunt (sub n. ci.) & sequentibus praecipue commemorata, quae clariorem, tutioremque aneurysmatici vitii ipsius cordis diagnosim reddunt. Cum vero haec levi negotio cum aortae aneurysmatibus confundi soleant, nemo mihi vitio verteret, si in aortae aneurysmatis signis enumerandis longior fuero.





# CAPUT IX.

## *De aortae dilatatae signis.*

**CXXXV.** **A**neurysma aortae si cordis ventriculo dextero contiguum sit, hoc ab ipsius ventriculi dilatatione, haud internosci posse, vel saltem difficulter ( n. cxxxiii. ) monitum fuit; quare inferimus aortae aneurysmatis intra thoracis cavum, & longius a corde situm ex ejus pulsationis loco praecipua deducenda esse indicia. Haec enim modo sursum, modo dextrorsum, sinistrorsum modo, uno verbo procul a cordis sede, nec non in ipso jugulo, vel temporibus, & dorso crebris validisque pulsationibus se se manifestant.

**CXXXVI.** Respirandi difficultas levis non est, immo a quocumque corporis motu, & praesertim a scalarum, & locorum acclivium ascensu ingravescit ita, ut non raro aegrotantes cum stertore, & sibilo respirent, vel orthopnoici evadant. Pulsus durus, & vibratum, interdum debilem, raram etiam, & parvum, intermittentem vero, aut inaequalem rarissime in aortae aneurysmatibus observantur, nisi alia vitia simul concurrant. Facilis aliquando est in utroque latere decubitus, leves & vagos dolores, ardoreque in thorace, molestiaeque sensum miseri aegroti non raro percipiunt, quae facile minus expertos medicos fallunt, & eo magis si in principio morbi accidant, nam non infrequenter dolores illi ad rheumaticorum genus injuria reducuntur (a).

I 2

**CXXXVII.**

---

(a) Ne vero quis neget dolores hujusmodi ab aneurysmatibus excitari, in medium proferre juvat Clariss. MICHELLOTTI verba, qui in jam cit. dissert. pag. 442, ubi agit de rheumaticorum affectuum speciebus rite distinguendis, hos dolores *prima plerumque aneurysmatum, vel ad aortae curvaturam, vel in subclaviarum, vertebraliū,*



**CXXXVII.** Haec in initio praesertim observantur. Increfcent vero aneurysma asperam arteriam, & bronchia & in primis oesophagum comprimit, hinc suffocationes, dysphagiae oriuntur, dolores graviores, diuturnique fiunt, & magis, atque magis aegros divexant. Haec autem incommoda sicuti a flatibus ingravescent, ita ipsis erumpentibus mitescent, quemadmodum Clariss. **MORGAGNUS**, aliis omissis, observavit in quodam sene septuagenario (a), in cujus cadavere arteria aorta *toto illo tractu quo a corde pertinet ad diaphragma usque, in enorme dilatata erat aneurysma*. Qua de causa aegri se tantum flatibus laborare credunt, & in hac falsa opinione interdum confirmantur a pseudo medicorum, vel agyrtarum auctoritate, qui ad flatum utpote ad sacram anchoram, quotiescumque morbi causa ipsis non innotescat, confugiunt.

**CXXXVIII.** Malum vero a flatibus non pendere ex eo cognoscitur, quod his emissis omnia incommoda non evanescent, sed tantum mitescant. **VALCARENGHUS** animadvertit quemdam suum aegrotum (b) post alvi dejectiones, vel expulsos flatum melius se habuisse, & hanc causam fuisse, ob quam medici nonnulli ad hypochondriacam affectionem malum hoc retulerint, & simul ipse indicat a quonam principio, hallucinatio haec derivaretur. Flatus enim, aut foeces ventriculum, & intestina nimis distendentes inferiora vasa comprimunt, qua propter difficiliore ex inde per haec humorum circuitu facto sanguis vel plus justo in praecordiis congeritur, vel majori in copia superiora vasa pervadit, hinc descripta incommoda in-

---

*bratiam, carotidumque arteriarum immissariis innascentium rudimenta, alia quoque ratione a viribus scilicet, quibuscumque arteriosarum tunicarum fibras sive impellendo, sive premendo, sive pulsando, sive contrahendo valide distrabentibus saepe produci contendit.*

(a) Epist. xvii. artic. 14.

(b) Observ. 1.



ingruunt, quae tolluntur, si sanguinis circulatio omnibus in corporis partibus, aequae facilis, per foecum scilicet dejectionem, vel flatuum eruptionem reddita fuerit.

**CXXXIX.** Novum non est interdum auram quamdam ascendentem ab ipsis aegris percipi: quare medici, qui hanc variis in convulsivis affectionibus frequentissime adnotarunt, ad hujusmodi classem etiam infirmitatem hanc referunt, non sine summo ipsorum aegrotantium detrimento. Verum malum hoc convulsivum non esse, ex ipsis antecedentibus deducimus, nec non ex aliorum symptomatum defectu ad nervosas affectiones spectantium: ultimo tandem ex quadam anteriora versus residendi necessitate, qua fit, ut respiratio, & deglutitio faciliores evadant, aliaque symptomata mitigentur.

**CXL.** A nervis morbum hunc pendere non infrequenter putant, quia symptomata (n. cxxxvi. & cxxxvii.) enumerata periodice tantum vel post certas aëris tempestates recurrunt, & post paroxysmum aegri optima fruuntur valetudine, nec non opiatís, vel antispasmodicis remediis saepe dicta symptomata obtunduntur.

**CXLI.** Ex his (cxii.) tamen statim inferre nobis non licet morbum convulsivum esse: siquidem aneurysma praecipue, si in ejus initio sit, nullam, aut fere nullam parit molestiam, nisi per corporis, animique motus sanguinis circuitus augeatur, vel ejus massa increseat, vel impedito per inferiora circuitu, sanguineus humor ad superiora se se determinet. Hoc posito, intelligimus quare constans causa effectus periodice recurrentes gignat, idest quia post nimiam ventriculi repletionem, vel locorum acclivium ascensum, vel post animi contentiones, praecipue si haec omnia tempore nubiloso, & pluvioso, vel flantibus Borrealibus ventis fiant, hi tantum sensibiles evadunt, testante **VALCARENGHO** (a); nec mirum esse debet si aneurysma, quod effectus medico sensibiles non parit,

ani-

---

(a) Observ. 2.



animalem oeconomiam parum, vel nil laedat, & aegri extra paroxysmum optime valeant. Opiata tandem aliquoties his in morbis utilia sunt, non tantum quia spasmos a nervis pendentes compescunt, ut ait VALCARENGHUS (a), unde sanguinis aequabilis distributio perturbabatur: verum quia somno inducto lenior fit sanguinis motus, ac proinde minor aneurysmatis distensio. Quod enim dicitur tum de laxatis per opium cordis fibris, tum de imminuto hinc sanguinis motu, repugnat HALLERI experimentis, opio vim cordis augeri ostendentibus.

CXLII. Adnotare tamen expedit, omnibus rite pensis aliquid certe praeter naturam in ipso aegrotante extra eundem paroxysmum in pulsu, vel in respiratione inveniri, quod non leve erit praesentis aneurysmatis indicium. At si insultus constanti quodam ordine ab una parte incipiant, in qua vas aliquod in aneurysma dilatari possit, vel ab eisdem caussis semper excitentur, & sine alio manifesto morbo aegri ad maciem vergant, palleant, & sub eorum oculis oedematosus subflavus tumor appareat, tunc omnis tollitur de convulsiva, vel hypochondriaca affectione dubitandi locus.

CXLIII. Haecenus de signis aortae aneurysmatis in genere dicta nos monent, alia esse addenda, quibus peculiare ejus dilatationes dignoscuntur. Aortam igitur prope ejus arcum aneurysmaticam indicant *dolor non modo in pectore sed etiam in humeris, Brachiis...*; somni parum, isque non raro interruptus (b), in lecto decumbendi saepe impotentia, atque inclinato antrorsum corpore saepe levamentum majus: spiritus ita non nunquam impeditus, ut subito strangulationis metum incutiat (c). Organicum hoc vitium in superiori magnae arteriae trunco esse putat VALCARENGHUS

(a) Eod. loc.

(b) Clariss. Gorter aphor. 315. docet quod ut somnus fiat placidus aequabilis: requiritur per omnia vasa motus sanguinis nulla irritatione perturbatus.

(c) Freindius hist. Med.



71

**GHUS (a)** *Si dyspnoticos insultus... similis semper ardor, & dolor praecedat, ad brachia aequaliter productus, & nulla adsint, vel fuerint signa, ex quibus cordis molem auctam esse credere possimus.*

**CXLIV.** Verum difficillimum est aneurysma internoscere supra ipsius aortae arcum, (dummodo tale non sit, quod in tumorem costas ipsas elevet, vel supra sternum emineat) situm, quia tum ob sternum, vel ob alias interpositas partes ejus pulsatio distingui non potest: ne vero ex defectu pulsationis praesentibus aliis signis aneurysmaticum vitium abesse statim pronuntiemus, scire oportet, **VALCARENGHUM (b)** nullam pulsationem in aliquibus aneurysmaticis praecordiorum vitiis adnotasse. Nec minorem difficultatem offendimus, si hoc in aorta descendente sedem habeat; minus enim molestum est, mitioribusque stipatur symptomatibus: idcirco medici quamvis exercitati non raro decipiuntur. Utcumque tamen sit; dolor ad inferiores dorsi vertebrae, ad scapulas, & ad claviculas nunc plus, nunc minus intensus, vagus, inanes vomendi conatus tam pleno, quam jejuno ventriculo, superiorum arteriarum concitatio pulsatio, specialisque pectoris ardor, & praecipue circa dorsum in lecto, & quidem prono corpore facilior respiratio, quae omnia cum augeantur ad corporis motum & praesertim, si brachia validius extenduntur, in suspicionem nos inducere possunt de aortae descendens aneurysmate, quemadmodum Clariss. **VALCARENGHUS (c)** in Bibliopola quodam observavit, qui hujusmodi aneurysmate laborabat.

**CXLV.** Oratio abutentis esset, si de illis omnibus, quae in aortae descendens aneurysmate occurrere (n. cxxiii.) diximus rationem ex physiologia, nec non pathologia desumptam reddere, eorumque agendi modum indicare animus esset, cum haec omnia illis etiam per se pateant, qui

---

(a) Observ. 2. (b) Observ. 2. (c) Observ. 3.



qui medicinam vel a limine salutarunt. Quare & nos cum Clariss. ALBERTINO (a) hoc unum tantum animadver-  
timus aneurysmata orta longius a corde dolores vehementissi-  
mos idetidem traxisse: non quod ossis frequentissimis squam-  
mis essent referta (his enim in Wepfero quoque aorta fere  
tota scatebat, nec dolores aderant) sed quod vel ob peculia-  
rem suae figurae modum sanguinisque impulsu ac indolem,  
impensius celeriusque in suis fibris distraherentur, vel ten-  
dinem, seu nervorum truncum, aut aliam sensilem partem in-  
primis contra os aliquod suis ictibus impellerent. Si haec ne-  
gari non possunt, quid dicendum de Doctiss. VALCA-  
RENGHI opinione, qui nos distinguere posse scripsit  
utrum aneurysma valde magnum sit, an vero parvum,  
sed ossis squammulis refertum, dummodo malum simplex  
fuerit, ex eo, quod primum minus inferat incomodi, & do-  
lores, ardoreque parum, vel nil infestent. Secundum ve-  
ro magnas procreet molestias, & dolores ad Brachia, &  
humeros producantur, ardoreque substerno, vel illis in  
locis, ubi aneurysma latere potest, persentiantur?

CXLVI. Quoniam a contusione, vel ab aliis externis  
caussis aneurysmata gigni toties jam (n. lxxvi.) moni-  
tum fuit, inutile non erit, cum Clariss. LANCISIO ad-  
dere (b), quod si quis post aliquam percussione inde vel  
brevis, vel post longum tempus, incipiat persentire sub ea-  
dem parte pulsationem diu perseverantem, primum absque  
febri, mox vero exilitate, atque inaequalitate motus illius  
arteriae, quae infra dilatationem posita est, Diagnosis erit  
in aperto, praesertim si pulsationi tumor appareat, qui ali-  
quando... sensibus non adeo facile ostenditur: & tandem  
cum VALCARENGHO asseverare licebit, si post aliquam  
evidentem causam, quae proxime afficeret unam ex illis  
partibus, quibus contigua sunt vasa, ibi dolorem, & ar-  
doris sensum percipi debere ab aegro. Haec incipientis  
aneurysmatis indicia fere certa erunt.

CXLVII.

---

(a) Citat. dissert. pag. 388. (b) De aneurysm. in gen. prop. xxiii.



CXLVII. Bronchiales (a), & intercostales arterias aneurysmate corripì, certissimum est, cujus diagnosi ex dictis (n. c.) ad praesentem usque numerum, ne jam dicta repetantur, deducenda videtur. Etenim si omnia, & singula signa, quae nunc uni aneurysmati, nunc alteri propria sunt, enumeranda essent, in imensum cresceret opus, nec majorem utilitatem afferret; quoniam haec symptomata perpetuo variare, & a diversis causis proficisci posse, ex similibus morborum historiis fat, superque compertum est.

K

CA-

---

(a) Videantur Act. Acad. Bononien. Tom. I. in opuscul. P. 345.





## CAPUT X.

*De Aneurysmatum prognosi.*

**CXLVIII.** **A**T cognito morbo, quaenam curationis spes superest? Re quidem vera aneurysmatica, & varicosa praecordiorum vitia periculosa admodum sunt, potissimum si jam adoleverint, aut alios sibi adjunxerint morbos. Adhuc hisce in morbis curandis Medicinam in incunabilis fateamur oportet, quin immo in adulto jam aneurysmate radicalem curam impossibilem esse, & tantum palliativam locum habere.

**CIL.** In genere tamen observatum fuit Juniores, & robustiores Homines hisce morbis correptos citius perire, quam imbecilles, vel aetate provectos, diutiusq; eorum vim sustinere mulieres, quam viros, & tandem Religiosos, Virginesque Vestales multos annos haec structurae vitia perferre. Alios post partum, vel aliquem corporis motum repente mori, ex syncope scilicet, vel ex aneurysmatici, vel varicosi sacci ruptione, alios vero lente historiae Medicae testantur, nec non ipse **ALBERTINUS** (a), & **LANCISIUS** (b).

**CL.** Interdum vero si ruptio statim magna non sit, sed lente, & ex angusto orificio Sanguis effluat, vel aliquid accedat impedimentum sanguini ipso hiatu exeunti, tunc aegri aliquot horas a manifestis ruptionis indicibus supersunt, uti, multis aliis omissis, videre est apud **MORGAGNUM** (c), ubi quemdam aegrum ad decem horas post aneurysmatis diruptionem vitam duxisse narrat, & ante hunc jam observaverat **VALCARENGHUS** (d) in nobil. Sebastiano Saitz, qui post violentam vociferationem, dis-

---

(a) Cit. differt. (b) Repent. Mort. lib. 2, observ. 45;  
 (c) Epist. xvii. art. 16. (d) Obs. 2,



disrupto aneurysmate, & paulatim effuso sanguine ad quatuor circiter a diruptione horas superstes fuit. Multos a validissimis cordis palpitationibus suffocatos, perire scribit ILLUST. ARCH. SENACIUS (a), non raro etiam absque ruptione aegros asphyxia correptos ad aliquot dies vitam duxisse. In aliquibus autem mala haec cito ad acmen suum perveniunt, in aliis contra. Interdum eorum symptomata perfecte intermittunt, hinc sanationis spes affulget, nec non hallucinationis causa exoritur uti (n. xxxix) vidimus: in aliis vero haec violentissima sunt, & in singulos dies incrementum, donec aegrotum e medio sustulerint.

CLI. Quod si huiusmodi mala diutius perdurant, alios & novos morbos sibi adsciscunt, inter quos praecipue enumeranda veniunt pedum Oedema, haemoptysis, vel hydrothorax, hydrocardia, pulmonum inflammatio; orthopnaea quoque, febris hectica, & non raro polypi oriuntur, hinc aegrotantium corpora pallefcunt, macrescunt, debilitanturque donec lenta mors eorum miserandae vitae finem imponat. Crambem recoquere esset, si haecenus enumerata mala vel a retardato per inferiora sanguinis circuitu, vel a plus justo in pulmone detento, vel ab ipsius compressione, vel ab impedita per vasa lymphatica humorum circulatione, vel a prava sangnificatione gigni, & haec eadem pejora, majoraque esse, quo aneurysma majus, & cordi magis vicinum fuerit, significarem.

CLII. Aliquantulum dissimilia sunt incommoda, quae ab aortae descendens aneurysmate gignuntur, variae, scilicet, viscerum imi ventris, & ipsius mesenterii obstructions, & alia, quae ab ipso MORGAGNO (b) indicantur, explicanturque. Spinam dorsum tandem, claviculas, costulas, sternum distorquere, dirumpere, elevari a validissimis aneurysmatum ictibus, nec non ab ipso ichoroso corrodentique humore in haec effuso ex toties citatis auctoribus eruitur.

K 2

CLIII

---

(a) Lib. i. cap. 9. n. 9. (b) Epist. xvii. art. 16. & alibi.




CLIII. Hinc concludendum est, magno cum studio, & diligentia inquirendam esse istorum morborum adhuc nascentium diagnosim. Nam si hi nascentes, & occulte insidias tendentes dignosci possunt, non vana spes affulget prolatandae mortis; quod si non penitus amoveri istiusmodi morbos, leniri certe, quin immo ex parte coërceri, ne celeriter increcant, & ad pejora contendant, & reprimi posse, ex Medicis observationibus, & historiis satis abunde constat (a).

CA-

---

(a) Licet raro, attamen historias habemus, quae curata fuisse aneurysmata testantur, ut (n. clv.) videbimus.





# CAPUT XII.

77

*De aneurysmatici, & varicofi generis  
dilatationum cura.*

CLIV. **Q**Uamvis enim hos morbos, si jam adoleverint, insanabiles esse (n. cXLVIII.) dictum sit; atamen omnia remedia, quae eorum indicationibus satisfaciunt, in usum trahi debent, ut aegros diutius, quoad fieri potest, in vita conservemus, & fortasse etiam eos perfectae sanitati restituamus, ut (n. CLIII.) monitum fuit. Verum alia quoque est ratio, cur hujusmodi aegri tanquam insanabiles habendi non sint, scilicet, quia infiniti prorsus morbi varicosa, & aneurysmatica vitia ita simulant, ut protopathici esse credantur, quos vel ipsa curatio vel cadaverum sectio deuteropathicos fuisse evincunt, quod Clar. HAENNIUS (a) non tantum admonuit, verum etiam variis observationibus confirmavit.

CLV. Istiusmodi morbis laborantes ad multos annos vitam duxisse, medicae testantur observationes, inter quas una extat in ACT. ERUDIT. LIPSIAE (b) alicujus faeminae, quae per quinquaginta annos aneurysmatica vixit. Alias autem referre historias, in quibus ad quatuor, octo, decem, quindecim annos inter vivos fuisse aneurysmate affectos legitur, frustraneum esset, cum certum sit multa ex his vitiis usque ab infantia incepta, non nisi in Juventute sensibilia evasisse (c): imo raro admodum esse aneurysmata vera repente exorta, arbitrarer.

CLVI. Minus verosimile fortasse aliquibus videbitur, aneurysmata perfecte curata fuisse. Verum illud evanescet  
si

---

(a) Rat. medend. pars 4. cap. 2. §. 6.

(b) Ann. 1692. p. 220. (c) Vid. Matani cit. dissert.



si consideremus ipsum **AUCTOREM** *de morbis*, ubi de venarum pulmonalium varicibus verba facit, has curationem admittere cognovisse, & simul therapeuticam indicasse; (a) inquit enim: *conducit autem talibus, aegris, si ab initio curandos susceperis, ut & vena de manibus sanguinem emittant, & diaeta, e qua quam siccissimus & exanguissimus fiat.* Hanc autem crudelem methodum optimo effectu non carere comperit idem auctor: nam, si curentur incipiente morbo, ait (b), *rursus in loco vaenae considunt ad latus, humilesque fiunt:* at quod in ipsis venis evenit, non ne eadem adhibita cura eundam & in arteriis, licet minus facile, obtinemus effectum? Rem ita se habere ostendit Clar. **VALSALVAE** observatio. Hic enim Clar. Vir in quodam nobili homine vidit, quem ex pulsatione, aliisque signis aneurysmataticum esse agnoverat, & simili modo perfecte sanaverat, licet postea ab alio morbo oppressus satis cesserit, vidit, inquam, arteriam, in qua olim initium aneurysmatis fuerat, contractam rursus ad naturalem modum, sed quasi callosam eo loco deprehendit (c); ex hac autem historia certe inferendum, aneurysma vere sanatum fuisse, nec ullum superesse dubitandi locum, morbus hic fuerit ne protopathicus, an vero sympathicus; accurata enim facta ejus cada-veris sectio primum fuisse apertissime demonstravit.

**CLVII.** Ut vero hujusmodi effectuum cura recte instituat, sedulo indaganda sunt, quae antecesserunt, & quae presentem morbum concomitantur. Cognitis enim causis, atque bene perspectis optimis remediis, quae scilicet his effectricibus causis tollendis, vel saltem mitigandis apta sint, ad indicationes curatorias deveniendum est, quae duae praecipue sunt, id est, fluidorum nisum in vasa imminuere, & vasorum renisum in ipsa fluida ita adaugere, ut solida, & fluida primum nanciscantur aequilibrium: dein morbosam humorum diathesim, & deprava-

tam

(a) Auctor *de morbis* L. 1. n. 10.

(b) ibidem (c) Morg. *Epist.* xvii. art. 30.



tam quocumque modo organorum structuram quoad fieri potest emendare, ut quidquid alicubi praeter naturae leges, & ordinem accreverit, aut pravi exuberantisque humoris confluerit, aut prodierit, id de medio tolli, & ad pristinum ordinem, justamque oeconomiam reddi possit.

CLVIII. At in eo labor: siquidem id praestare non adeo facile possumus absque pejoris mali, nec non ipsius mortis periculo. Tam enim difficile est, ne dum vim sanguinis in arterias, & venas incurrentis retundere, aut ipsorum vasorum in liquida reagentium augere satagimus, motus eorundem liquidorum nimis intendatur, sed tantum quantum necesse est ad vitam servandam superfit. Quod quam arduum sit, ipse fatetur ALBERTINUS (a); ut asserere non dubitet, si in aliis, in his certe morbis locum habere HIPPOCRATIS dictum, scilicet: *equidem vehementer hunc medicum laudem, qui parum peccet: utpote in quibus peccari potest & facilius, & gravius.*

CLIX. Quidquid tamen sit, omnibus in aneurysmatibus, & a quacumque causa pendentibus, cura inchoanda est a tenuissimo, mitissimo, & temperanti victu, & repetitis vicibus modica quantitate exhibito, ut parum blandissimi chyli una vice sanguini commisceatur. Summa corporis animive quiete, potu aqueo, & levi, mitioribusque alterantibus, utpote quae ad moderandum imminuendumque sanguinis nisum nata facta sunt. Quid quod ipsa venae sectio hisce in morbis effectu non caruit? Constat enim enim SENACII (b), ALBERTINI, & GARZIAE a LOPEZ (c) observationibus, quorum ultimus quodam in viro, cui arteria loco venae secta fuerat, sanguinem ad libras effluere permisit usque dum syncope sequeretur, & ita magna ex parte ipsis vasis

---

(a) Cit. opusc.

(b) Lib. (n. cl.) citato.

(c) Albertini cit. dissert. p. 198., & Morgagni Epist. 17. art. 30. & 31.



sis inanitis, arteriarum diastoles, & systoles debiliores essent; tunc parti affectae splenium apposuit, quo octiduum post vas ipsum coaluit, atque aegrotus aneurysmatis periculum superavit. Venam autem non ita indiscriminatim secandam putamus, quia non semel subita aegrotantium mors secuta fuit, summo cum Medicinae dedecore, nec non ipsius Medici famae imminutione.

CLX. Ne vero, his ab exemplis perterriti, plus justo sanguinis missionem fugiamus, animadvertendum est, ipsum cautissimum **MORGAGNUM**, postquam malos effectus enumerasset, qui ab intempestiva venae sectione orti sunt, ita concludere: *non tamen prohibere debet utilissimum incipiente, & progrediente aneurysmate venae sectionis praesidium (a)*. Hoc autem naturae consonum esse videtur, cum ipsa per haemorrhoides saepe saepius sanguinis fluxum promoveat magno cum aegrotantium emolumento, & levamine. Haec autem generatim convenit, immo utiliter adhibetur in incipiente morbo, aut nondum provecto, statum nimirum non praetergresso, dummodo aetati, temperamento, viribus, regioni, anni tempestati, aliisque proportionalis sit.

CLXI. In vehementissimis, validisque cordis palpitationibus (a) venam secandam esse, ex eo judicamus, quia non semel contigit, simplicem cordis palpitationem, pro ejus jam adulto aneurysmate, habitam fuisse; quod si, hoc in casu, sanguinis missionem nimis reformidant Medici, tunc vera consequitur praecordiorum dilatatio, quam sane praecaveri potuissent, si phlebotomia instituta, ipsa profli-gata fuisset. Nec minus est necessaria in majoribus spirandi difficultatibus, & suffocationis periculis, cordisque oppressionibus, praecipue vero si sputa sanguine tincta, aut mere sanguinea apparuerint, dummodo prudenti, & parca manu instituatur, ut eandem, toties quoties occasio se obiulerit, repetere possimus absque ullo aegri discrimine, vitae-

---

(a) Epist. nup. cit. art. 31.



vitaeque periculo: quod si prae nimia ipsius aegroti debilitate sanguinis missioni locus minime sit, ad remedia tunc confugiendum erit, quibus sanguinis sputum sistatur: sistendo itaque, vel praecavendo ejusmodi sputo summa quies, lucis privatio, potus frigidus, & demulcens, aër frigidiusculus, aliaque imperanda sunt: succum vero concretum hederæ terrestris una cum terra Catechù saepe saepius, simili in casu, remedio fuisse observavit ALBERTINUS (a).

CLXII. Ad symptomata, accessionesque praecavendas verno, & autumnali tempore optimo cum eventu vena secta fuit, ut observavit Clariss. VALCARENGHUS (b). Nec ab hoc remedii genere nos remove debet extremarum partium oedema, si hoc simplicem effectum esse retardati, vel impediti sanguinis circuitus, vel depravatae mechanices in organis ipsius sanguinis circulationi dicatis, innotescat: ALBERTINUS (c) enim facta venae sectione, liberioreque sanguinis motu restituto frequenter evanescere, sua in praxi comperit, quod etiam notum, testatumque facit propria experientia suffultus Cl. Praeceptor.

CLXIII. Facies vero tumida, pallidus virginum color, cachecticus habitus, venerea, aut scorbutica cacochymia, & illa omnia, quae proximum in hydrothoracem, aut hydropem universalem transitum praesagiunt, vel si qua alia adsint sanguinis missionem contraindicania dicta, hanc fugiendam esse admonent. Ab hac etiam desistere debemus, si solitum amplius non inferat levamen. Cavendum tamen est, ut melius propriae famae consulamus, ne invito aegro, aut admodum recusante, venae sectionem instituamus: novum enim minime est sub ipsa sanguinis missione, aut paulo post aneurysma disrumpi (n. clix.), & aegros cito, & misere perire, quod speciatim evenit in magnis arteriarum dilatationibus, idque ab aucta san-

L

gui-

---

(a) Cit. Opusc.

(b) Obs. I.

(c) Lib. n. super. cit.



guinis velocitate per venae sectionem deducimus.

CLXIV. Sanguinis missione facta, si primarum viarum saburrae non levia adsint indicia, in usum vocanda sunt remedia alvum moderate lenientia; aut simplices tantum clysteres: validorum vero cathartorum usus noxa non vacat; notum enim est, observationibusque comprobatum, nonnullos imprudenter sumpto cathartico, paulo post, immo sub ipsa alvi dejectione, e vivis migrasse.

CLXV. Cum vero dyspnoea, & externarum partium tumor augmentur, tum solis clysmatibus ventrem subducendum esse scribit ALBERTINUS (a) ex urina pueri, sale prunellae, vel nitro stibiato, aut terebinthina vitello ovi soluta, aut ex melle solutivo, & similibus paratis: quod si spasticae, & dolorificae ventris contractiones merito lenissima, & anodyna postulare videantur, haec in alvum optimo cum eventu injici possunt.

CLXVI. At si urinas ciere animus sit, hae mitissimis diureticis sollicitentur, qualia sunt Syrupus terebinthinae, eo praesertim, qui fit ex saccharo rosato vel cydonite, infusio millepedum quoque, vel eorum pulvis, liquor terrae foliatae tartari &c., a fortioribus vero diureticis, ut noxiis, abstinendum esse reputamus. Clar. enim ALBERTINUS ab his motum sanguinis concitari, doloresque nephriticos, & calculos in nonnullis genitos observavit, qui nunquam antea iisdem obnoxii fuerant, & hydropem etiam sic augeri, ut miseri aegrotantes penitus orthopnoici evaserint, quamquam in principio ab uberiori urinae fluxu convalescere viderentur, immo post subitam, magnamque virium jacturam non infrequenter eos praeter omnium expectationem celeriter mori. Similia ab hujusmodi remediis in hydrothorace etiam, ubi nullum aneurysmaticum vitium erat, non semel in Nosocomio videre nobis contigit.

CLXVII. Caeterum omnia calidiora, & nimis concitantia

---

(a) Cit. lib.



tantia remedia his in vitiis curandis procul absint, utpote quae sanguinis circuitum nimis adaugent, validiorique impetu in partem affectam, minuique resistantem impellunt, quo aneurysmata, & magis dilatari, vel etiam disrumpi possunt. Qua igitur cum diligentia inquirendum sit, utrum morbus a flatibus, an ab interno aneurysmate pendeat, nemo non videt. Etenim quae in illis juvant, in his exitialia sunt.

CLXVIII. Ita sanguinis impetu imminuto, ut alii indicationi (n. clvii.) curatoriae satisfaciant, Medici in usum trahunt roborantia, & vulneraria, nec non adstringentia remedia. Verum haec summa cum animadversione, & selectu adhiberi debent, ne vasa, quae roborare studemus, ab huiusmodi pharmacorum usu sanguine validius in ea impulso, potius debilitentur, nec non diffringantur.

CLXIX. Potissimum vero ejus indolis sint, oportet, ut sanguis vel satis fluidus fiat, si nimia densitate peccet, & contra, si tenuitate, debitam consistentiam acquirat. Alterutrum enim vitium saepe his in morbis observatum fuit (a), & ultimo mitioris naturae ex illis eligantur, quae solida corroborant, sanguinisque motum haud accelerant.

CLXX. Ex alterantium itaque classe, ea in usum trahenda sunt, quae magis causas morbificas tollere, aut saltem obtundere valent, idque prudentis Clinici erit. Huiusmodi sunt taraxacon, cichoreum, acetosa, & similia, quae egregie temperant, refrigerant, & praesertim ex sero caprino decocta. At si adstringendi, & blande serosam colluviem simul per urinas educendi sit animus, tunc consolidam,

L 2

dam,

---

(a) Albertinus cit. opusc. vidit monialem praecordiorum aneurysmate affectam, quae diabetica sanguinis dissolutione conflictabatur, & mulierem cujus sanguinis tam crassus, & densus apparuit, ut e manu ad uncias sex, in quatuor circiter libras aquae communis effusus hanc ita coëgerit, ut dum removeretur e vase, figuram ejus aliqua ex parte retineret.



dam, plantaginem, agrimoniam, hyperici cymata una cum floribus macerata, hederam terrestrem, melissam optimo cum eventu adjecisse, scribit ALBERTINUS.

CLXXI. Iis autem, qui serum lactis vaccinum, vel caprillum ferre non possunt, & similia ex vegetabilibus decocta nolunt, jura ex pullis gallinaceis sufficere cum incocta melissa, consolida, hedera terrestre, aliisque huiuscemodi, additis in fine floribus ejusdem hederæ, vel ex cancris fluviatilibus, & carne ranarum non palustrium, idem pariter auctor proponit. Haec autem omnia sunt ne superando morbo paria? Victa ne ejusmodi remediis aneurysmaticorum incommoda? At ex ipsomet ALBERTINO haec utpote compositiora aegros ferre seape non potuisse, & ad simpliciora tunc confugisse majori cum emolumento, abunde constat.

CLXXII. Quod si eo adducta sit aneurysmatica affectio, ut socios ab ipso etiam initio alios habuerit morbos, tunc adjicenda esse modo absorbentia, modo antiscorbutica, modo nervina, & antispasmodica, modo antivenerea, aliaque pro re nata, neminem fugiet. Ita si hypochondriorum affectiones, & oedemata, syphillis, podagra, & scabies retropulsa, evacuationes suppressae aneurysmati occasionem praebuerint, vel illud foveant, peculiarem etiam animadversionem expostulant. His autem remediis est consulendum, quae ab auctoribus adversus huiuscemodi affectiones commendantur.

CLXXIII. A Lue venerea aneurysma gigni jam (n. lxxi.) vidimus, & ex mercurialium externo usu aneurysmata exorta fuisse (n. lxxix.) exposuimus. Inquirendum nunc, quomodo Syphillidem, si cum aneurysmatico vitio conjuncta sit, curare possimus: qua de causa sequentem facimus distinctionem: vel aneurysma primario pendet a sanguine veneno gallico affecto, & tunc, si aliqua antiaphrodisiaca quidquam valent, ad hydragyrum, sed magna cum circumspeditione deveniendum est; quod si aeger aneurysmate jam laborans lue venerea afficiatur, tunc si mitioribus antiveneriis remediis

non



non sanatur, ad fortiora non esse procedendum putamus. Hujusmodi autem in casu, loco mercurialium inunctionum, per quas magna copia mercurius in corpus ingreditur, & potius pondere, & impetu agit; alia ex hydrargyro parata remedia, quae stimulo magis, quam pondere agant, erunt adhibenda.

CLXXIV. In magnis, summisque respirandi difficultatibus,, quae saepe, quamvis constans causa sit, periodicè reccurrunt, vel saltem ingravescent, si venam secare non liceat ad alia praesidia, quae respirationem faciliorem reddant, & vires erigant, confugiendum est. Huic scopo optime faciunt omnia volatilia naribus admota, ut sunt spiritus fuliginis, melissae, sanguinis humani, salis ammoniaci, acetum vini, liquor C.C. succinatus, quin immo aliquot eorum guttae intrinsecus dari possunt aqua hyssopi, vel capillorum veneris exceptae: oleosa quoque inter optima remedia non infimum obtinent locum; quod si alvum etiam ducere expediat, ut etiam spiritus facilius trahatur, tunc vel aucta olei mitioris dosis, vel eidem addita exigua rhabbari portio scopum attinget.

CLXXV. Verum tam internis, quam externis remediis, omnibus palmam fere praeripiunt artuum frictiones, vel eorum in aquam calidam immersiones (a). Quocumque enim modo sanguis in praecordiorum arteriis, atque in aneurysmate colligatur, hic proprio pondere, & mole anxietates, spirandique gravissimas difficultates parit; quae evanescent, si, liberiori, faciliorque per alias arterias sanguinis circuitu reddito, haec, ut ita dicam, congestio resolvatur: quod obtinemus aqua calida exteriora, & remotiora vasa laxando. Hoc autem remedii genus opportunissimum est, ubi brachium sinistrum, quod saepe accidit dolore, aut torpore corripitur. Dum enim sic aqua calida fovetur, si simul frictiones instituantur, promptissima revulsio fiet, qua si quis spasmus adjunctus sit, relaxatur: immo

---

(a) Epist. xvii. art. 27.



immo sola frictiones, etsi siccas, tremores, spasmos, jactationes sopire, somnumque blande accersere Sapientissimo, & Humanissimo cum Praeceptore nostro BORSIERI asseveramus.

**CLXXVI.** Neque aqua calida tantum aliquibus attulit solamen, verum etiam ipsam aquam frigidam in nudum pectus projectam Juveni cuidam profuisse, vidit **ALBERTINUS** (*a*), nec non in aliis alii auctores observavere: an ab impetu aquae, & frigoris ejus sensatione vasa jam nimis distenta se se contrahunt, & ultra stagnantem sanguinem propellunt, sicque anxietatis causam tollunt? Aliqui etiam cordis scrobiculum oleo ex Nucista, aut ex amygdalis amaris illiniri curaverunt, cui interdum, si convulsiones valde affligebant, camphoram, aut theriacam adjecerunt, sed modicum fructum, & brevissimum ex his se collegisse, Exp. **ALBERTINUS** scripsit (*b*).

**CLXXVII.** Quod si sanguis, ut (n. clxix.) monuimus ad coagulationem tendere videatur, ex quo facile polypi, & alia sexcenta mala oriantur, huic vitio occurrendum esse succo expresso lupulorum, aut cherefolii suadet **ALBERTINUS**, cui adjicit lac gummi ammoniaci, nec non dosim aliquam spermatis coeti recentis, & si ejus vim intendere animus sit, tunc aliquot florum salis ammoniaci grana, vel aliquid salis essentialis plantarum dissolventium adjungatur.

**CLXXVIII.** **MATANUS** vero (*c*) tot inutilibus medicamentis dissolventibus acerum praefereendum esse scribit, utpote magnum dissolvens, quam proprietatem aceto tribuerunt **BOERHAAVIUS** (*d*), & **BENVENUTUS** (*e*). At acerum coagulante, potius quam dissolvente vi praeditum

---

(*a*) Tories cit. dissert.

(*b*) Eod. loc.

(*c*) Cit. in dissert. 2. 172.

(*d*) Elem. chem. tom. 1. part. 1. proc. §1.

(*e*) De Aceti Vin. Comment.



rum esse contra MATANUM, aliosque rationibus, experimentisque suffulti (a), dicimus. Ossa vero solvere non inficias imus, quod praestant quaecumque acida; sanguinem contra compingere, & coagulare ex ipsis experimentis notum nobis est.

**CLXXIX** Hypnotica, & narcotica remedia, opium praesertim violentissimis in cordis palpitationibus, doloribus, aliisque symptomatibus, uno fere ore commendant Medici. Quamvis opium utiliter variis ab auctoribus adhibitum fuisse in aneurysmate laborantibus (n. cxi.) dictum sit; opium tamen ea cautione detur, ut ea tantum emolumenta obtineamus, quae (cxiz.) proposuimus, nulla vero noxa a cordis aucta praeter modum vi timeri queat. Quare in hujuscemodi affectionibus opii loco tutissimum Liquorem Anodynum mineralem HOFFMANNI, Aethere vitrioli, Sal sedativum HOMBERGII & lenissima a papavere nostrati parata remedia commendamus.

**CLXXX.** Haec praecipua sunt, quibus morbum si non penitus tollere, mortem saltem aegrotis procrastinare possumus. Verum postquam optimo cum selectu adhibita fue-

---

(a) Diversa enim ratione acetum, cum sanguine, aut cruore e corpore sano per venae sectionem educto, commixtum nullam unquam aut cruoris, aut sanguinis solutionem induxit, quin potius majorem coagulationem, quam simplici aqua commixtum. Haec autem experimenta, ut omnem dubitandi aditum praepedirent, a me reperta fuerunt, & multiplici quidam ratione. Etenim nunc purum acetum cum sanguine, vel cruore, nunc aqua parum, nunc multum dilutum, & frigidum modo 10. modo 20. grad. thermometeri Reaumurii calidum, aut 30. 33. 36. 40. 45. 50. 54. & etiam diversa dosi adhibui, & eundem semper observavi effectum, coagulationem nimirum. Hoc autem rationi optime respondet, ipsiusque liquoris aciditatis: acida enim sanguinem coagulare, hanc coagulationem acidi rationem directam sequi, adeo mihi perspectum videtur, ut tempus, & operam perdere esset, si diutius in his insisterem. Neque quis regetur, ab experimentis extra corpus non licere concludere ea, quae intus fieri in vivo animali possunt; nam acetum in venas infusum sanguinem itidem coagulare, & coagulare, compertum habemus.



fuerunt (n. clxx. & seq.) haecenus indicata remedia, curationis cardo in optimo vertitur vitae regimine. Quamobrem interdicto vino, omnibusque spirituosus liquoribus, nisi stomachus, vires, aliaque eos exigant, aqua simplex, aut ignito chalybe alterata, vel decocta ex lentisco, fantalo citrino, hordeo, consolida majori, aliisque roborantibus omnis stimuli expertibus, additis interdum passulis minoribus potui ordinario danda est, dummodo eam aegri bene ferant; neque optimo caruit effectu simplex aqua Nuceriae pro potu exhibita.

CLXXXI. Pulmenta quoque ex hordeo contrito, vel oryza in lacte vaccino, aut jure cancrorum fluvitium vel ranarum non palustrium cocta sine alio cibo sumpta saepe profuerunt: lactis, vel ejus feri potionem, vel simplicis, vel cum chocolata, aliove fervente liquore mixti ad quadraginta, & ultra dies commendavit ALBERTINUS, nec non alii.

CLXXXII. *Lacteam* quoque sic dictam *diaetam* post unam, alteramve sanguinis missionem, & alvum per clysteres elotam cum continuo in lecto decubitu institutam, & ad triginta, vel quadraginta dies protractam non raro profuisse testatur VALSALVA (a). Qui vero *diaetam* hanc aliqua de causa ferre non possunt, eadem instituta vivendi methodo tantum utatur cibus, qui vitae sustinendae vix satis sint: vesperi vero somnus, & quies, si res postulet, emulsionibus, Syrupo de moeconio, & si valentius agere expedit uti in palpitationibus, maximisque doloribus, etiam laudano liquido, concilietur, ratione tamen semper habita eorum, quae (n. clxx.) proposuimus.

CLXXXIII. Optimo demum in aëre aegri conquiescere diutissime jubeantur, etsi unquam alia incommoda, quae a vita deside imminere possunt, aliquam corporis commotionem exigant, haec lenissima omnino sit, oportet: vehementior enim ut vectio in curru, equitatio, atque alia similis repro-

---

(a) Morgagn. epist. xvii. artic. 30.



reprobanda est, quia hinc validior sanguinis motus concitatur, quo non tantum inchoata jam aneurysmata ampliantur, verum etiam nova oriuntur, ut Clarissimi **GORTERUS** (a), & **MANGETUS** (b) observarunt. Quam caute igitur distinguendum, morbus hypochondriacus ne sit, in quo exercitatio apprime convenit, an vero organicus, in quo omnino contraindicatur, & noxia admodum est.

**CLXXXIV.** Ex his omnibus colligitur tam varicosi, quam aneurysmatici generis praecordiorum dilatationum diagnosim difficilem esse, eo magis sub eorum initiis, prognosim incertam, & luctuosam, perfectam curationem demum fere semper impossibilem. Vah! inquiet aliquis, notissima doces, neque quidquam novi nobis protulisti! At, si quis est nasutulus ejusmodi, consideret rogo, qua de re hic agatur, qua ratione, quo ordine, quo delectu rerum, & qua amplitudine. Deinde quantum voluerit, oblateret, carpat, extenuet, per me licebit. Ego quidem contentus ero, si haec, qualiacumque sint, tuo Benevole Lector submisero judicio; a quo si probari ea intelligam, non exiguum ex hisce laboribus me fructum, & praemium percepisse credidero. Interim si eam non inveneris scribendi elegantiam, quam tanti faciunt Sapientiores, non subirascares precor, obtestorque: idque aetati potius, ac ingenii imbecillitati, &, quod maximum est, ipsius temporis angustiis, quo haec scribere coactus fui, tribuas velim. Namque exactis privatis ad lauream consequendam periculis, **BARTHEZIANI** systematis refutandi provincia tum mihi demandanda est, quae tamen, opere licet jam provecto, in hanc, nescio fere quo fato, & qua rerum vicissitudine praecipiti quasi ausu mutanda fuit. Neque illud praetermittendum est, benevolas, & auxiliatrices mihi manus non accessisse, prout aliis, quae in lucem

M

pro-

---

(a) In comment. in aphor. Sanctor, 407.  
 (b) Bibliot. Chirurg. lib. 1.



proferuntur a quibusdam, accessisse saepe audivimus. Quare si quid improvide ac inconsulto peccatum fuerit, quod illi criminari velint, sapientes, & honestos homines, qui nihil humani a se alienum putant, pro sua benignitate excusaturos esse, confido.



## Errata

## Corrige

Pag. 8. lin. 2. dignam,	dignam judico,
l. 9. comendationis	commendationis
10. l. 6. & alibi, diruptiones	diruptiones
11. l. 16. dieresim	diaeresim
l. 30. occurrent	occurrerent
18. l. 24. extitisse	extiterint
contigisse,	contigerint
25. l. 1. ruptura	ruptio
30. l. 11. tunicatum	tunicarum
36. l. 24. valide	valida
38. l. 6. amplectendus	admittendus
l. 20. hemerodomos	hemerodromos
40. l. 29. contigit in	contingit
43. l. 9. accomodatis	accommodatis
55. l. 24. caepit	cepit
72. l. 4. idetidem	identidem
75. l. 31. distorquere, dirumpere	distorqueri, dirumpi
84. l. 3. adiecisse	adiecisse
l. 18. adjicenda	adjicienda
l. 35. antiveneriis	antivenereis
86. l. 1. sola frictiones	solas frictiones
l. 15. adiecerunt	adiecerunt



1875

1876

Jan 1st 1875  
Feb 1st 1875  
Mar 1st 1875  
Apr 1st 1875  
May 1st 1875  
Jun 1st 1875  
Jul 1st 1875  
Aug 1st 1875  
Sep 1st 1875  
Oct 1st 1875  
Nov 1st 1875  
Dec 1st 1875  
Total 1875

Jan 1st 1876  
Feb 1st 1876  
Mar 1st 1876  
Apr 1st 1876  
May 1st 1876  
Jun 1st 1876  
Jul 1st 1876  
Aug 1st 1876  
Sep 1st 1876  
Oct 1st 1876  
Nov 1st 1876  
Dec 1st 1876  
Total 1876







